

Uruunu ambaijana ki Yesu Kisi ta Markus ibeede

Yolan, tomtom ki yok kamjana iurpe zaala pa Yesu Kisi
(Mt 3:1-12; Lu 3:1-18; Yo 1:19-28)

1 ¹ Ingi aruunu ambaijana ki Anutu Lutuunu Yesu Kisi. Uraata kini imanga ta kembei.

² Mungu Anutu kwoono Yesaya ibeede ka sua ma iso ta kembei:

Nio ko ango tomtom tasa be iwe kwoŋ.

Mi ni ko imuungu ma iurpe zaala pu.^a

³ Kaljana ta iboboobo su lele bilimjana.

Iso: 'Kuurpe zaala pa Merere!

Kapazal zaala pini.'^b

⁴ Sua tana iur ŋonoono se ki Yolan ta ikamam yok pizin tomtom. Pa ni ila pa lele bilimjana, mi ikamam sua pizin tomtom be titooro lenen mi tikam yok. Naso Anutu ireege sanaana kizin.^c ⁵ Mi wal ta boozomen ki lele pakaana ki Yudea, zijaŋ zin Yerusalem kan timap ma tilala kini isu yok Yordan. Mi tizzwe sanaana kizin ila kini, mi ni ikamam yok pizin isu tana.

⁶ Yolan, ni izebzeebi pa mburu ta tiurpe pa kamel rumuunu na, mi ipezekat lwoono pa pus. Mi siizi ta iwe ka kini, mi bigil suruunu ta iwe ka yok. ⁷ Mi ni ikamam sua pizin tomtom ta kembei: "Tomtom tabe imar kaimer pio i, ni mburaana ilip pio. Tana anre ituŋ kembei anrao pini risa som kat. Uraata sorokjana kembei anjuundu mi anputke kumbu keteene ka wooro, ina tomini, anrao ankam pini na som."^d ⁸ Pa nio ankam yok men piom. Mi ni, nako ikam Bubujana Potomjana ma isalakaala yom."^e

^a 1:2 Mal 3:1; Mt 11:10; Lu 7:27 ^b 1:3 Yesa 40:3, 57:14; Yo 1:23 ^c 1:4 ŋgo 13:24, 19:4

^d 1:7 ŋgo 13:25 ^e 1:8 ŋgo 2:4, 11:16

Yoan ikam yok pa Yesu
(Mt 3:13-17; Lu 3:21-22)

⁹Yoan ikamam uraata kini, mi Yesu izem kar Nasaret ki Galilea, mi ipa ma ila ipet ki Yoan isu yok Yordan. To Yoan ikam yok pini su tana. ¹⁰Beso Yesu ise pa yok, mi mataana isala na, ire saamba imapaala mi kwoono ikaaga, to Bubunana isu kembei mbalmbal mi imbot sala njwaana.^f ¹¹To tilej kaljaana ta imbot saamba mi isu ma iso ta kembei: “Nu na, nio lutuj njonono. Nio lelej ambai pu mi lelej pu ilip.”^g

Sadan itoombo Yesu
(Mt 4:1-11; Lu 4:1-13)

¹²Tona loja men mi Bubunana imanga pa Yesu ma izem yok Yordan, mi ila ipet lele bilimjana. ¹³Ni imbotmbot lele tana pa aigule tomtooru. Mi Sadan ila ma iwedet kini be itomtoombi. Mi ni imbotmbot raama zin buzur sajsanjan, mi zin ajela timbesmbeeze pini.^h

Yesu ikam uraata isu Galilea mi iboobo zin nanjan pan
(Mt 4:12-22; Lu 4:14-15, 5:1-11; Yo 1:35-42)

¹⁴Yoan ikamam uraata kini, mi tikiskisi ma tizeebi lela ruumu sanaana. Tona Yesu ila ipet lele pakaana ki Galilea, mi imanga be izzoyaryaara uruunu ambaijana ki Anutu. ¹⁵Ikamam sua pizin tomtom ta kembei: “Kelej! Nol ki Anutu tabe iswe peeze kini ma ipet mat, ta imar igarau kek. Tana kezem mbulu tiom sananjana, kotooro leleyom, mi kuurla uruunu ambaijana!”ⁱ

¹⁶Aigule ta na, Yesu ipiyalyaala pa tai Galilea ka peende ma ila. Mi ire tojmatizij ru, Simon ma Andreas, tiwaswaaza ma timbotmbot. Pa ziru na, tomtom ye kan. ¹⁷Ire zin, to iso pizin. Iso: “Ai, niomru tina, kamar koto yo. Nio ko appaute yom be kakam zin tomtom.” ¹⁸To loja men mi tizem pu kizin, mi tito i ma zijan tila.

¹⁹Tiwwa ma tilae ri to, Yesu mataana ila na, ire Zebedi lutuunu bizin ru, Yems ziru tiziini Yoan, timbotmbot se woongo mi tiurpewe pu kizin. ²⁰Ire zin na, loja men mi iboobo zin be timar tito i. Tana ziru tizem taman zijan uraata kan kizin pakan ma timbotmbot woongo, mi timar tito Yesu ma zijan tila.

Yesu iziiri bubunana sananjana pa tomtom ta
(Lu 4:31-37)

²¹Tiwwa ma tila tipet kar Kapenaum. Mi timbot ma ila aigule potomjana, to Yesu ilela lupjana muriini mi ikamam sua pizin tomtom.

^f 1:10 Yesa 64:1 ^g 1:11 Mbo 2:7; Yesa 42:1; Mt 12:18; Mk 9:7 ^h 1:13 Un 2:19–3:7; Mbo 91:11+; 1Kor 15:47 ⁱ 1:15 Mt 3:2; Ga 4:4

²² Zin iwal tilej sua kini ma kwon itaanda pa. Pa ni ikamam sua kembei ta zin ngarnan ki tutu na som. Izzo katkat sua raama mburaana, kembei tomtom ta zaana pa uraata kini.^j ²³ Lupjana muriini kizin leleene na, tomtom ta imbotmbot. Ni, bubujana sananjanana izeebi. Indeeje ta Yesu ikamam sua pizin tomtom na, tomtom tana iboobi ma kaljaana biibi mi iso: ²⁴ “Aii, Yesu ki Nasaret, nu sombe kam parei piam? Ingi mar be pambiriizi yam? Nio anjkilaalu kek. Nu Anutu tomtom kini potomjana.”^k

²⁵ Tamen Yesu injasaari ma iso: “Hait, mane mi yooto pini!” ²⁶ Tabe bubujana sananjanana tina iyelkatkat tomtom tina, mi iyak ma kaljaana biibi, to iyooto ma ila ne.^l ²⁷ Zin iwal tana tire mbulu tina ma timorsop pa Anutu mburaana. Mi tiparwwi zin ma tiso: “Wai, mbulu ti, pareijana? Ingi sua popojana ta mburaanajana kat. Pa ni iurur sua pizin bubujana sananjan, mi zin tomini tilejlej la kaljaana.” ²⁸ Tabe loja men mi Yesu uruunu irak ma irao pa kar ta boozomen ki lele pakaana ki Galilea.

Yesu iziiri mete pizin wal boozomen

(Mt 8:14-17; Lu 4:38-41)

²⁹ Tiyooto pa lupjana muriini, to loja men mi tila pa ruumu ki Petrus ziru Andreas. Mi Yoan ziru Yems, ta tigaaba zin ma zijan tila. ³⁰ Simon rwoono mooribi, ni kuliini ibayou kat ma ikenne. Tabe loja men mi tisotaara Yesu pini. ³¹ To Yesu ila kini ma iteege namaana, mi iwiti ma imanga. Tana mete iko pini mi niini ambai mini, to ila ma iurpe kan kini.

³² Rou ma zoj isula na, zin iwal tiyyo metegan kizin ta boozomen zijan zin wal ta bubujana sananjan tizeebe zin na ma tila ki Yesu. ³³ Zin kar kan timap ma timar tilup zin su ruumu kwoono. ³⁴ Mi Yesu iurpe tomtom boozomen pa mete matakiya ma nin ambai, mi iziiri bubujana sananjan boozomen pizin tomtom tomini. Mi bubujana sananjan na, tikilaali kek. Tana ni ipeteke zin be tiso ka sua pepe.^m

Yesu izzoyaryaara sua isu Galilea

(Lu 4:42-44)

³⁵ Aigule toro mbenbenjana na, Yesu imanga mi izem kar, mi ila pa lele ta ka tomtom somjana i beken a itutamen imbot mi isuj.ⁿ ³⁶ Mi Simon zijan waene bizin tila be tiru i. ³⁷ Tila ma tindeeni, to tiso pini ma tiso: “Wai, nu mar lele ti paso! Iwal biibi ta tirru u a.” ³⁸ Yesu ipekel kwon ma iso: “E-e, pa ingi be tala pa kar pakan ta kolouloujan i, beken a anjam sua ki Anutu pizin tomini. Pa nio anjar pa uraata ta kembei.” ³⁹ Tana imanga mini, mi ipa pa kar ta boozomen ki Galilea ma ila. Mi ikamam Anutu sua kini pizin tomtom lela lupjana murin kizin, mi izirziiri bubujana sananjan pizin tomtom.

^j 1:22 Mt 7:28+ ^k 1:24 Mt 25:41; Mk 15:39; Yems 2:19 ^l 1:26 Mk 9:26 ^m 1:34 Mk 1:24, 3:11+; Lu 4:41 ⁿ 1:35 Mbo 5:3; Mt 14:23; Mk 6:46

Yesu iurpe tomtom ta mbetmbeete sananꝓana ikami

(Mt 8:1-4; Lu 5:12-16)

⁴⁰Tomtom ta, ni mbetmbeete sananꝓana ikami. Imar ki Yesu mi ingun kumbu mbukuunu su kereene uunu, mi itaꝓroro i ma iso: “O yae, sombe lelem isaana pio, na nu rao ziiri mete tio ti ma kuliꝓ ingeeze mini.” ⁴¹Tana Yesu leleene isaana pini, mi iteegi ma iso: “E, nio leleꝓ be aꝓuulu u. Kulim ambai lak.” ⁴²Mi loꝓa men mi mete tana iko pini ma kuliini ingeeze mini. ⁴³⁻⁴⁴To Yesu iur sua mbolꝓana pini ta kembei. Iso: “Leꝓ kat! Sombe la, na so tomtom sa pa mbulu ti pepe. Kaꝓkaꝓ ma la, mi pamaala itum pa patoronꝓana ka tomtom sa mungu. Mi kam patoronꝓana pa Anutu mi pakuri pa kulim ta ingeeze na, kembei ta tutu ki Mose iso. Naso ipombol zin patoronꝓana kan be tiurla tio.”^o ⁴⁵Tamen tomtom tina, ni ito sua ki Yesu som. Ila na, loꝓa men mi isoyaara uraata tana uruunu pizin tomtom boozomen ma ila. Tabe Yesu, ni irao ilela kar sa leleene mini som. Ni imbotmbot lele bilimꝓana men. Tamen zin karkari tikoꝓuru i ma tilala kini.

Yesu iurpe tomtom narapeꝓana ta

(Mt 9:1-8; Lu 5:17-26)

2 ¹Yesu imbotmbot su lele tina ma aigule pakan ilae, to imiili ma ila mini pa kar Kapenaum. Mi zin wal tileꝓ uruunu kembei ni imiili ma imar imbotmbot ruumu kini, ²to tomtom boozomen timokor lela ruumu kini ma bok ma bok kat. Zin iwal biibi mete. Tabe tipakaala kataama ma zalan som. Yesu ikamam sua ki Anutu pizin, ³⁻⁴mi tomtom paꝓ tisiꝓ tomtom narapeꝓana ta ma timar be Yesu iurpe i. Tamen len zaala sa be tilela na som. Tana tikam narapeꝓana tina mi tisala pa ruumu uteene, to tipetepis mi titu i ma isula ma indeeꝓe kat Yesu kereene uunu. ⁵Yesu ire wal tina urlaꝓana kizin imbol kat. Tana iso pa tomtom narapeꝓana tina ta kembei: “Tiziꝓ, sanaana ku ta aꝓreege kek.”^p

⁶Zin ngaꝓan ki tutu pakan ta timbotmbot tana, tileꝓ Yesu sua kini, to lenen iur pini ta kembei: ⁷“Ai, to ti iso sua kembeia paso? Inga sa ipasaana sua pa Anutu na! Tomtom sa irao be ireege sanaana na som. Anutu itutamen ta irao.”^q ⁸Mi Yesu, ni iute ngaꝓ kizin kek. Tana isu mi iso pizin. Iso: ⁹⁻¹⁰“Parei ta leleyom iurur mi kakamam ngaꝓ boozo. Sua taꝓgoi ta imarra be aꝓso: Aꝓso pa tomtom narapeꝓana ti be aꝓreege sanaana kini, som aꝓso pini be burup ma imaꝓga, mi ilek mburu kini, mi ipa ma ila? Mi leleꝓ be niom kuute kat ta kembei: Tomtom Lutuunu, ni zaana be ireege sanaana kizin tomtom isu toono.” Iso sua tana ma imap, to iso pa tomtom narapeꝓana tana ma iso: ¹¹“Nio aꝓso pu: Maꝓga,

^o 1:43-44 Wkp 14:1+ ^p 2:5 Lu 7:48 ^q 2:7 Mbo 32:5; Yesa 43:25; 1Yo 1:9

lek mi ku, mi la pa ruumu ku.”^r ¹²To wal ta boozomen tikor matan pa narapejana tina, mi ni imanga ma ilek mi kini, mi ila lene. Mi zin iwal ta tire mos tina na, timurur pa Anutu mburaana mi tikam ngar boozo pa. Mi tipakur Anutu ma tiso: “Wai, ta mungu mi imar na, tere mbulu sa ta kembei pasa zen.”^s

Yesu iso pa Lebi ma ito i

(Mt 9:9-13; Lu 5:27-32)

¹³To Yesu izem kar tina, mi ipiyaala mini pa tai Galilea ka peende. Mi iwal biibi ta tito i mi ziŋan tiwwa ma tila. ¹⁴Iwwa ma ila, mi ire Alpeus lutuunu Lebi, ni tomtom ta iyyo takesŋan i, imbutultul su uraata kini muriini mi ikamam uraata. Yesu ire i, to iso pini. Iso: “Mar to yo.” Tana Lebi imanga, mi ito i ma ziŋan tila.

¹⁵Kaimer to Lebi iso pa Yesu ziŋan nanŋaŋ kini be tila tikan kini isu ruumu kini. Mi wal pakan ta tiyyo takesŋan i mi wal sananŋan pakan, ta timar mi ziŋan tikanan kini ma timbotmbot. Pa wal ta kembei na, boozomen ta titoto Yesu. ¹⁶Zin tutu kan pakan ta len ngar biibi pa tutu na, tire Yesu ziŋan zin wal ta tiyyo takesŋan i mi wal sananŋan tina tikanan kini ma timbotmbot, to timanga na tiso pizin nanŋaŋ kini. Tiso: “Wai, parei ta biibi tiom ziŋan zin wal sananŋan tina tikanan kini la mbata?”^t ¹⁷Yesu taljaana ikam la pa sua tana, to iso pizin ma iso: “Parei, tomtom ta iurpewe zin metenŋan i, ko ila pizin wal ta nin ambaimbaiŋan? Som. Ni ilala be iuulu zin wal metenŋan. Mi nio ta kembena. Aŋmar be aŋboobo wal ndeeŋenŋan na som. Nio aŋmar pizin wal sananŋan.”^u

Wiŋana pa mbulu ki kini ŋgalsekŋana

(Mt 9:14-15; Lu 5:33-35)

¹⁸Yoan ta ikamam yok pizin tomtom na, nanŋaŋ kini ziŋan nanŋaŋ kizin tutu kan tiŋgalseksek zitun pa kini kanŋana, bekenan matan iŋgal kat Anutu. Tana aigule ta na, wal pakan tila ki Yesu mi tiwi i ta kembei. Tiso: “Nanŋaŋ ki Yoan ziŋan nanŋaŋ kizin tutu kan, zin tiŋgalseksek zitun pa kini kanŋana bekenan matan iŋgal kat Anutu. Mi uunu parei ta nanŋaŋ ku tina titoto mbulu tana som?” ¹⁹Yesu ipekel kwon ma iso: “Sombe tikam kini biibi pa ula popoŋana sa, inako parei pa wal ta timar pa kini kanŋana na? Ko lenen ipata mi tikan kini som? Som. Ko tikan. Pa tomooto ta iwoolo popoŋana na, ni imbotmbot raama zin, tana lenen ambai. ²⁰Mi kaimer, ma sombe wal sa timar mi tikam tomtom ula kana tina ma izem zin, tona toroono bizin ko lenen ipata pini, mi tiŋgalsek zitun pa kini kanŋana.”

^r 2:11 Yo 5:8; 1Jgo 3:6 ^s 2:12 Mt 9:33 ^t 2:16 Mt 11:19; Lu 15:1+ ^u 2:17 Lu 19:10; 1Tim 1:15

Zaala munḡuḡana irao igaaba zaala popoḡana na som

(Mt 9:16-17; Lu 5:36-39)

²¹ Yesu iseḡḡe sua kini mini ma iso: “Kawaala munḡuḡana ta imaraaza kek na, ko tesesekaala pa kawaala suruunu ta popoḡana i? Ina som. Kokena kawaala popoḡana suruunu iselul ma iwe musaari, to kawaala munḡuḡana tana imaraaza ma biibi kat. ²² Mi yok baen ta kembena. Ko tilij popoḡana isula baen putuunu munḡuḡana? Inako som tomini. Kokena baen popoḡana iti putuunu munḡuḡana, to imapaala mi baen borok su lene. Som. Baen popoḡana bela isula putuunu popoḡana.”^v

Yesu ta imborro aigule potomḡana

(Mt 12:1-8; Lu 6:1-5)

²³ Indeeḡe aigule potomḡana ta kizin Yuda tabe keten su pa i na, Yesu ziḡan nanganḡ kini tiwwa pa zaala ta ila pa wit lene. Mi nanganḡ kini tiwwa ma tila, mi tikewe ḡonon pakan.^w ²⁴ Mi tutu kan pakan tire zin, to timanḡa mi tiso pa Yesu ta kembei. Tiso: “Ai re! Iḡḡi sa aigule potomḡana tabe ketende su pa i. Nanḡanḡ ku tina tikewe wit ḡonon paso? Pa mbulu ta kembei na, tutu iḡḡalsek pa.”^x ²⁵⁻²⁶ Yesu ipekel kalḡan ma iso: “Sua ta iso pa mazwaana ta king Dabit ziḡan wal kini petel zin ma tiru zalan na, niom kapaata som? Sua tana iso ta kembei: Indeeḡe Abiatar iwe biibi kizin patoronḡana kan na, Dabit ilela beeze ki Anutu mi ikan narabu potomḡana ta tiurur la Anutu kereene uunu na. Narabu tana, ka ḡḡalsekiḡana. Pa tutu iso zin patoronḡana kan men ta tirao be tikan. Mi som. Dabit ikam ma ikan, mi ikam pizin wal kini ma tikan tomini. Mi ka sua sa som.”^y

²⁷ To Yesu iposop sua kini mi iso: “Aigule potomḡana tabe ketende isu pa i, ina Anutu iur be iwe patanḡana pizin tomtom som. Ina, ni iur bekena iuulu zin.”^z ²⁸ Tana aigule potomḡana tabe ketende isu pa i, Tomtom Lutuunu ta imborro.”^a

Yesu iurpe tomtom nama kaamanḡana pa aigule potomḡana

(Mt 12:9-14; Lu 6:6-11)

3 ¹ Indeeḡe aigule potomḡana toro tabe keten su pa i na, Yesu ilela lupḡana muriini mini, mi tomtom nama kaamanḡana ta, ni imbotmbot lela lupḡana tana. ² Mi tutu kan pakan, zin tireudut Yesu, beso ni iurpe tomtom tina pa aigule potomḡana, tonabe iwe le uunu be tiḡḡal mataana pa. ³ Tana Yesu iso pa tomtom nama kaamanḡana tina ma iso: “Manḡa mi mender la iwal biibi matan.”

^v 2:22 Iḡo 15:1-29; Ro 10:4; Ibr 8:13 ^w 2:23 Lo 23:25 ^x 2:24 Kam 20:10, 34:21

^y 2:25-26 1Sam 21:4+; Wkp 24:5+ ^z 2:27 Kam 23:12 ^a 2:28 Kol 2:16-17

⁴Tona iwi zin tutu kan ma iso: “Mbulu pareijana ta ito kat aigule potomjana ka tutu. Takam mbulu ambaijana, som takam mbulu sanajana? Tu'uulu zin tomtom, som tapasaana zin?” Yesu igiibi sua tina, mi zin len sua sa som. Timaane men.^b ⁵Tona igeede zin raama keteene malmal. Mi tamen leleene ipata pizin tomini. Paso ngar kizin imbol kat. Irao titooro zin na som. To iso pa tomtom nama kaamanjana tina ma iso: “Swooro nomom.” Beso iswooro namaana na ambai. ⁶Tabe zin tutu kan tana timanja ma tizem lupjana muriini, mi tila ma zijan zin wal ta tilae ki Erot na, tilup zin mi timbuuru Yesu kana be tipuni ma imeete.^c

Iwal biibi tito Yesu
(Mt 12:15-16; Lu 6:17-19)

⁷To Yesu zijan nanganj kini tizem lele tina, mi tisula pa tai Galilea. Mi iwal biibi ki Galilea, ta tito zin ma zijan tila. ⁸Mi zin wal ta Yudea kan, Yerusalem kan, Idumea kan, mi zin wal pakan ta timbot Yordan pakaana mbaaga, mi lele pakaana ki kar Tiro mi Sidon na tomini, zin tilej Yesu uruunu pa uraata bibip ta ni ikamam ma iwedet na, to timap ma tila be tire i. ⁹Yesu ire zin wal biibi tana, to iso pizin nanganj kini be tire le woongo sa be ise. Kokena iwal biibi tisala pini. ¹⁰Pa ni iurpe zin metengan booza ma nin ambai kek. Tana wal metengan boozomen tizorzooro ma tipusuksuk zin tomtom be tila tigarau i mi titeegi.

¹¹Mi zin bubujana sananjan tire i na, titoptop su kumbuunu uunu, mi kaljan izalla ma tiso: “O biibi, nu Anutu Lutuunu tau!”^d ¹²Tamen Yesu injasaara zin mi ipeteke zin be tiswe i pizin tomtom pepe.

Yesu ipeikat nanganj laamuru mi ru ma tiwe lene
(Mt 10:1-4; Lu 6:12-16)

¹³Kaimer to Yesu iwwa ma isala abal ta, mi iboobo tomtom pakan ta ni leleene iur pizin na, ma tila kini. ¹⁴⁻¹⁵To ipeikat tomtom laamuru mi ru be tigaabi ma zijan tiwwa, mibe ingo zin ma tila tisoyaara Anutu sua kini. Mi ikam len mburan be tiziiri bubujana sananjan pizin tomtom.

¹⁶Zin laamuru mi ru ta ni iur zin pa uraata na, zan ta kembei: Simon (ni, Yesu ipaata zaana toro be Petrus), ¹⁷Yems ziru tiziini Yoan (wal ru tina, Zebedi lutuunu bizin. Mi zan toro tipaata tisombe Boanerges. Zaana tana ka uunu ta kembei: ‘Lolo lutuunu bizin’).^e ¹⁸To Andreas, Pilip, Batolomai, Matai, Tomas mi Yems toro, ta Alpai lutuunu i, Tadeus, Simon (ni igabgaaba zin wal ta tisombe tikam malmal pa Rom mi tiziiri zin na), ¹⁹mi Yudas Iskariot ta kaimer iur Yesu ila ka koi bizin naman.

^b 3:4 Lu 14:3 ^c 3:6 Mt 22:15+; Yo 5:16 ^d 3:11 Mk 1:24,34; Lu 4:41; Nggo 19:15

^e 3:17 Lu 9:54

Tiso Yesu ikam Sadan mburaana
(Mt 12:22-32; Lu 11:14-23, 12:10)

²⁰Tona Yesu ila ma ilela ruumu ta. Mi wal boožo ta tila timokor la kini mini. Tabe ziŋan naŋgaŋ kini tirao be keten su mi tikan kan kini na som.^f
²¹Mi indeeŋe Yesu tiziini bizin tileŋ uruunu, to tila be tikiskisi. Pa tiso ko ŋgar kini ikankaana.^g

²²Mi zin ŋgarŋan pakan ki tutu ta timbot Yerusalem mi timar na, tiŋgal sua pini ta kembei. Tiso: “Belsebul, biibi kizin bubuŋana sananŋan ta izeebi mi ipombolmboli, tanata ni le mburaana be iziiri zin bubuŋana sananŋan.”^h

²³To Yesu iboobo zin ma timar kini, mi ikam sua tooroŋana ti pizin. Iso: “Lak, ko Sadan iur koi pa itunu wal kini mi iziiri zin? ²⁴Parei, lele sa, sombe ka tomtom bizin tibalak zitun mi tiparkam malmal pizin, ko timbot ambai? Som.
²⁵Mi sombe ruumu sa ka tomtom bizin tiparwe kan koi mi tiporrou, ko ruumu tana irao be imbot? Som. ²⁶Tana Sadan ta kembena. Sombe iur koi pa itunu mi wal kini mi tiparkamam malmal pizin, inako zaana mi mburaana imap.

²⁷“Parei, ko tomtom sa irao be ilela sorok ruumu ki tomtom ta ni mburaana biibi na, mi iyo mburu kini? Som. Bela ipun ruumu katuunu ma mburaana imap mi ipo namaana mi kumbuunu, tonabe iyo koroŋ kini ta boozomen.ⁱ

²⁸Nio aŋso kat piom ta kembei: Sanaana ta boozomen kizin tomtom, mi sua sananŋan boozomen ta tiwirri pa Anutu, inako Anutu irao ireege pizin.
²⁹Tamen sua sananŋana ta so tipiri pa Bubuŋana Potomŋana, inako Anutu ireege pizin na som. Som ma som kat. Ko imbotmbot ma alok.”^j

³⁰Yesu iso sua tana pizin paso, zin tisombe bubuŋana sananŋana ta izeebi.

Yesu naana mi toŋmatiziŋ kini
(Mt 12:46-50; Lu 8:19-21)

³¹Tona Yesu naana mi tiziini bizin timar ma timbot mat, mi tiso lela pini be ipet ma zin tire i. ³²Tana Yesu imbotmbot lela iwal biibi lelen, mi sua ikami ta kembei: “Ai, nom ma tizim bizin ta timar timbotmbot mat a. Tiso tire u.” ³³Tamen Yesu ipekel kwon ma iso: “Anaŋ ma tiziŋ bizin ziŋoi?” ³⁴Tona mataana ikam zin wal ta tiliu i, mi iso ta kembei: “Kere. Wal ti ta nio anaŋ ma tiziŋ bizin. ³⁵Pa wal ta so tileŋleŋ la sua ki Anutu mi titoto, ina zin ta ko tiwe nio anaŋ mi tiziŋ mi luŋri bizin.”^k

Sua tooroŋana pa kini iweniwen tiyaaraŋana
(Mt 13:1-9; Lu 8:4-8)

4 ¹To Yesu ipera pa tai Galilea ka peende, mi imanŋa mini be ikam sua ki Anutu pizin tomtom. Mi iwal biibi ta timokor la kini. Tana

^f 3:20 Mk 6:31 ^g 3:21 Yo 7:5, 10:20 ^h 3:22 Mt 9:34 ⁱ 3:27 Kol 2:15; 1Yo 3:8, 4:4; Tur 20:2 ^j 3:29 Mt 12:31+; Lu 12:10; Ibr 10:26+ ^k 3:35 Yo 15:14; Ro 8:29; Ibr 2:11+

iru zalaana ma som, to ilu i se woongo ma mbuleene isu, mi tipusuki ma iperae nana ri. Mi iwal biibi tana timaramraama su peende mi tiur taljan pa sua kini. ²Mi Yesu ipaute zin pa koron boozomen ila sua toorojan. Ni iso pizin ta kembei: ³“Kungun taljoyom mi kelen. Lwoono ta na, tomtom ta, ni ikam kini iweniwen, mi ila mokleene kini be itiyaara. ⁴Itiyaryaara ma ila na, pakan titoptop su zaala keteene. Mi man timar ma tire su pa, to tija kan ma tila. ⁵Mi pakan na, titoptop su toono ta raj biibi imbot meleebe na. Tana tisula kat toono leleene som, mi karau men mi tindomdom. ⁶Beso zon ise ma mataana kat, to run imelle ma timetmeete. Paso, uranuran isula kat toono leleene som. ⁷Mi pakan na, titoptop su toono pakaana ta worwooro matanmatanjan tindomdom pa i. Beso worwooro tindom na, tikaukau kini tana ma isaana. Tabe kini iweniwen tana tipiyooto nonono som. ⁸Mi pakan na, titoptop su toono pakaana ta ambaijana. Tana tise to, titum ambai ma tipiyooto nonono. Kiini pakan tipiyooto nonon boozo, pakan boozo kat, mi pakan boozo ma ilip.”

⁹Yesu iso sua tana ma imap, to ipombol ta kembei: “Niom so taljoyom, na kelen sua ti mi kakam ngar pa.”

Uunu ta Yesu ikamam sua ila sua toorojan

(Mt 13:10-17; Lu 8:9-10)

¹⁰Kaimer ma zin iwal biibi tila len mana, Yesu zijan nangan kini laamuru mi ru mi wal pakan, zin men timbotmbot. To zin tiwi i pa sua kini toorojan. ¹¹Mi ni iso pizin ma iso: “Peeze ki Anutu na, ka ngar turkenana. Mi ingi Anutu isombe ipeeze ngar tana ma imbot mat piom. Mi zin wal ta timbot lela peeze ki Anutu leleene som na, tileljen sua kini ila sua toorojan men.

¹²Kokena titooro lenen mi Anutu ireege sanaana kizin.

Tanata tirre pa matan, tamen tikilaala som.

Mi taljan ileljen, tamen tikam ngar pa ka uunu som.”^l

Yesu ipeeze sua ta ni itooro pa kini iweniwen tiyaarajana

(Mt 13:18-23; Lu 8:11-15)

¹³To Yesu iwi zin ma iso: “Niomombe kakankaana pa sua ti ka uunu, inako kikilaala sua toorojan pakan kan un be parei? ¹⁴Kini iweniwen ta tomtom tana itiyaryaara, ina Anutu sua kini.”^m ¹⁵Kini iweniwen ta titoptop su zaala keteene na, ina ise kizin wal ta tilejen sua ki Anutu, mi karau men Sadan imar mi itatke sua tana pizin. ¹⁶Mi kini iweniwen pakan ta titoptop su toono ta raj biibi imbot meleebe na, ina ise kizin wal ta tilejen sua ki Anutu, mi loja men tikan la mi menmeen zin pa. ¹⁷Tamen sua tina isula kat lenen som. Tana tiurla mazwaana rimen, miombe patajana sa indeenje zin, som

^l 4:12 Yesa 6:9+; Yo 12:40; Igo 28:26+; Ro 11:8 ^m 4:14 1Pe 1:23

wal pakan tiseeze matan pa uunu tau titoto sua ki Anutu, to karau men mi tizem urlaḡana kizin. ¹⁸Mi kini iweniwen ta titoptop su toono pakaana ta worwooro matanmatanḡan tindomdom pa i, ina ise kizin wal ta tileḡ Anutu sua kini. ¹⁹Tamen tikam ḡgar biibi mete pa pataḡana ta izze kizin i, mi koronḡ matakiḡa ki toono ipalpaala matan, ma lelen ilip pa koronḡ pakan. Tabe koronḡ soroksorok tina ikaukau zin, ma urlaḡana kizin ipiyooto ḡnonono ambaiḡana sa som.” ²⁰Mi toono pakaana ambaiḡana ta kini iweniwen pakan titoptop su pa na, ina ise kizin wal ta tileḡ Anutu sua kini, mi tikam ma imbol pizin. Tabe urlaḡana kizin ipiyooto ka ḡnonono. Pakan tipiyooto uraata ambaimbaiḡan boozo, pakan boozo kat, mi pakan boozo ma ilip.”^o

Sua tooroḡana pa lam

(Lu 8:16-18)

²¹Yesu iso mini ma iso: “Parei? Sombe tutun lam sa, ko tuur lela mbalia kopo mbarmaana, som tukutunkaala pa timbiiri? Som. Iti tuurur se kor.” ²²Tana koronḡ turkeḡan, inako kaimer tiswe ma ipet mat. Mi koronḡ zukḡan, inako kaimer tipeeze ma borok su.” ²³Niom so talḡoyom, na kelenḡ sua tio ti mi kakam ḡgar pa.”

²⁴Mi Yesu iso pizin mini ma iso: “Sua ta niom kelenḡleḡ i, na kakam kat ḡgar pa. Pa mbulu pareiḡana ta so kakam pa sua tana, inako kere ka pekeḡana, mi ko ilip.” ²⁵Pa tomtom ta so ikam ḡgar pa sua ki Anutu, mi ikam ka uraata, inako Anutu ikam le ḡgar pakan ma isala ki. Tamen ni ta ikam ḡgar pa som, mi ikam ka uraata som na, ḡgar kini musaari tina, Anutu kola itatke pini.”^s

Yesu itooro sua pa kini iweene ta indom ma ise

²⁶Yesu iso mini ma iso: “Peeze ki Anutu na, ka mbulu kembei ta tomtom ta. Ni ikam kini iweniwen ma itiyaryaara isu mokleene. ²⁷⁻²⁸Itiyaara maḡiḡ, to imbotmbot mi iurur mataana pa toono be ikam ma kini indom ma ise mi ipiyooto ḡnonono. Tana ni ikenne pa mbeḡ, mi iloulou pa aigule, mi toono itunu iputum kini tina. Mi mbulu tabe kini itum pa i, ina ni iute som. Loḡa men mi ber ma ise, to iur kiini ma isala, iur ruunu, to ḡnonono.” ²⁹Mi sombe ḡnonono irao pa kanḡana mi mai ka nol ipet, na katuunu ko inḡo zin uraata kan ramaki buza ma tila tiyembut, mi tiyo ma tila ruumu kini.”^u

Yesu itooro sua pa zeere mastet

(Mt 13:31-34; Lu 13:18-19)

³⁰Yesu ikam sua tooroḡana mini mi iso ta kembei: “Peeze ki Anutu na, ka mbulu pareiḡana? Ko aḡso se ki sokorei, to kakam ḡgar pa? ³¹Ina

ⁿ 4:19 Mt 19:23+; Lu 12:15; 1Tim 6:9,17; 1Yo 2:15+ ^o 4:20 Yems 1:25 ^p 4:21 Mt 5:15; Lu 11:33 ^q 4:22 Mt 10:26; Lu 12:2 ^r 4:24 Mt 7:2; Lu 6:38 ^s 4:25 Mt 13:12, 25:29; Lu 19:26 ^t 4:27-28 Yems 5:7 ^u 4:29 Tur 14:15+

kembe i ta mastet iweene. Koron tina na, somto kat pa koron iweniwen ta boozomen isu toono ti. ³²Tamen sombe tapaaza sula toono, na indom ma ise, mi isala ma ilip pa zin zeere pakan ma iwe kembei ta ke i. Mi iur namannaman bibip ma iur narenren pizin man tabe tipo len ngini sala.”^v

³³Tana Yesu ikam sua ki Anutu ila sua toorojan boozomen ta kembei. Pa isombe ikam sua ta irao pa ngar kizin bekena tilen mi tikam ngar pa. ³⁴Tana iwal biibi na, ni ikamam sua toorojan men pizin. Mi sombe zijan nangaj kini men timbotmbot, tona iwesweeze sua uunu ta boozomen pizin.

Yesu ipunmeete miiri ma duubu

(Mt 8:23-27; Lu 8:22-25)

³⁵Timbotmbot ma rou, to Yesu iso pizin nangaj kini ma iso: “Ayo, tamanga mi takam woongo ma talae mbaaga.” ³⁶Tana tizem zin iwal biibi tina ma timbotmbot, mi nangaj kini tiyo zin se woongo ta Yesu imbotmbot sala na, ma tila. Mi woongo pakan tomini tigaaba zin ma zijan tila. ³⁷Tila lukutuunu, to miiri ipol ma mburaana, mi ipei duubu ma ise. Tabe ikam ma lele isaana kat, mi tai borokborok sula woongo leleene mabe woongo imon. ³⁸Mi Yesu, ni iur uteene se kiliigi mi ikenne ta woongo mbuleene a. Tana nangaj kini tipai i mi tiso: “Wae, mos katuunu, re iti! Ingi be tomon i!”

³⁹To Yesu imanga mi injasaara miiri. Mi iso pa duubu: “Hai! Ur nim. Pol mini pepe!” Tona miiri imap mi taun biibi isu. ⁴⁰To Yesu iso pizin nangaj kini ma iso: “Komoto sorok paso? Urajanana tiom imbol zen?” ⁴¹To motojana biibi ikam zin ma tikam ngar boozo. Mi tiparso sua pizin ma tiso: “Wai, to ti ni parejana, ta miiri ma duubu tomini tilenlen la kaljana?”^w

Yesu iziiri bubujana sanangan pa tomtom ta

(Mt 8:28-34; Lu 8:26-39)

5 ¹Yesu zijan nangaj kini tila tipet lele pakaana kizin Gerasa, ta imbot la tai pakaana mbaaga na. ²⁻³Yesu izem woongo mi ilu i su peende na, tomtom ta ikonuru i ma imar. Tomtom tana bubujana sanangan ikami ma imbotmbot lela ranj sumbunsumbun ta tiurur zin wal meetegan lela i. Mi tomtom tirao be tikiskisi mi tipo i na som. ⁴Pa titomtoombo be tipo kumbuunu ma namaana pa re mi sen na, ni iyatutut zin mi iko ma ila ne. Tana tomtom tirao be tiyaraami na som. Pa ni mburaana ilip kat. ⁵Ni ra, ikennekaala mataana som. Mbej ma aigule na, iwwa le sorok pa su, mi imbotmbot ta zin meetegan murin ma iyakyak mi itartaara itunu pa pat.

^v 4:32 Mt 24:14 ^w 4:41 Mbo 65:7, 89:9, 107:29

⁶Ni imbot molo mi mataana ila na ire Yesu. To iloondo ma ila itop su kereene uunu. ⁷⁻⁸Tona Yesu iso pa bubuḡana sananḡana tana be iyooto pa tomtom tana. Tabe ni iboobo se pini ma iso: “Aii, Yesu, Anutu kor kana Lutuunu, iḡi ko kam parei pio? Nio aḡtaḡroro u pa Anutu zaana, seeze motoḡ pepe!”^x ⁹To Yesu iwi i. Iso: “Ai, nu zom asiḡ?” Mi ni ipekel ma iso: “Nio zoḡ Legion.”^y Pa niam ta iwal kat.”

¹⁰To bubuḡana sananḡana tina itaḡroro i be iziiri zin pa lele tana pepe. ¹¹Lele tana na, ḡge uunu biibi kat ta tikanan sala abal zilḡaana ma timbotmbot. ¹²Tana bubuḡana sananḡan tina tiso pini ma tiso: “A, yok piam ma amla amloondo pizin ḡge tinga.”

¹³Ni iyok pizin, tona tiyooto pa tomtom tana mi tila tiru pizin ḡge. ḡge uunu tana biibi kat, kembei munḡaana ru (2,000) ma iḡi. To zin ḡge tana tiko, mi tiparkamtoto zin ma tila pa yok tatiliuḡana kezeene, to tizirir pa dogo ma tisula, mi tiwin katkat yok ma timetmeete lup.

¹⁴⁻¹⁵Zin tomtom ta timborro ḡge ḡan i, tire mbulu tina, to tiko ma tila mi tizzo uruunu pizin tomtom ta boozomen ma irao kar ma ila. Tabe tomtom timeke ma tila be tire kat mbulu ta ipet na. Tipet ki Yesu na, tire tomtom ta mungu bubuḡana sananḡan boozomen tizeebi na, ḡgar kini ambai mini, mi iurpe ruḡguunu ma ambai, mi imbutultul ma imbotmbot. Wal tana tire i na, motoḡana biibi ikam zin. ¹⁶Mi zin wal tau timbotmbot ma tire kat mbulu ta Yesu ikam pa tomtom tina mi zin ḡge na, tipit mbol pa ma iwal tileḡ. ¹⁷Tona iwal tana timaḡa mi timaḡmaḡ Yesu be izem lele kizin, mi ila pa lele pakaana toro sa. ¹⁸Tana Yesu ila ma ise woḡḡo mini. Beso ila na, tomtom tana ikam biluḡḡu be ziḡan tila. ¹⁹Tamen Yesu iyok pini som, mi iso pini ta kembei. Iso: “Miili ma la kar ku, mi so zin toḡmatiziḡ ku pa mbulu ta Anutu ikam pu na. Pa ni imuḡai u mi ikam uraata biibi pu.” ²⁰Tana tomtom tina ila, mi isoyaara sua pa uraata biibi ta Yesu ikam pini na isu kar ta boozomen ta imbot lele pakaana ki Dekapolis na. Mi wal boozomen ta tileḡ sua kini na, timurur pa Anutu mburaana. Tikam ḡgar pa ma tirao som.

Yesu iurpe moori ta, mi ipei Yairus lutuunu moori ma imaḡa mini
(Mt 9:18-26; Lu 8:40-56)

²¹Yesu ziḡan nangaḡ kini tikam woḡḡo, mi timiili ma timar mini pa tai pakaana mbaagi, to zin iwal biibi timar ma timokor la kini su peende, mi ziḡan timbotmbot. ²²Mi mboronḡan ta ki lupḡana muriini, zaana Yairus, ni ila ipet ki Yesu, mi itop su kumbuunu uunu, ²³to itaḡroro i ma iso: “O biibi, lutuḡ moori ra, mete biibi ikami mabe imeete. Mar ruumu tio ma nomom isalakaali, bekana niini ambai mini. Kokena imeete.”

^x 5:7-8 Mt 25:41; Mk 1:24; Yems 2:19 ^y 5:9 Wal zaaba kan 6,000 na, tipaata zin be ‘legion.’

²⁴Tana Yesu imanga mi ziru tipa ma tila. Mi iwal biibi ta tikuuti mi tiparzalla pizin ma ziŋan tila. ²⁵Tiwwa ma tila na, tindeenge moori ta. Ni, mete kizin moori ikami ma ikisi pa ndaama laamuru mi ru kek. ²⁶Ni ilala kizin tomtom ta tiurpewe zin metegan i, mi ire yoyouŋana biibi ila naman, mi ipasaana koronj kini ta boozomen pizin bekena tiuuli. Tamen tikam, na som. Mete kini tana ipasaani mabe isaana kat. ²⁷Moori tana ileŋ Yesu uruunu kek. Tana itokelkeeli ma ila be iteege mburu kini. ²⁸Pa ikam nŋar ta kembei: “Oo, sombe aŋteege lae pa mburu kini koronjŋana risa, to mete tio imap.”

²⁹Beso iteege na, iyamaana itunu kembei mete kini imap ma niini ambai. ³⁰Mi indeenge tana, Yesu iyamaana itunu kembei mburaana ri izemi. Tana mataana imiili pizin iwal biibi tana mi iwi zin. Iso: “Asiŋ ta iteege mburu tio?”^a ³¹Mi nanŋanj kini tipekel kwoono ma tiso: “Nu wi paso? Zin iwal biibi ta tizalla piti i, motom ma re zin som?” ³²Tamen Yesu mata rru tomtom ta iteege na. ³³Beso moori tina iyamaana itunu kembei mete kini imap na, motoŋana ikami mi kete kutkut. To ikoŋuru Yesu ma ila itop su kereene uunu, mi iswe mbulu ta ipet pini na. ³⁴Tana Yesu iso pini. Iso: “O luŋri, urlaŋana ku ta iuulu u ma nim ambai. La raama lelem ambai. Pa pataŋana ku ta imap kat.”^a

³⁵Yesu izzo sua pa moori tina ma imbotmbot, mi wal ta timbot Yairus ruumu kini na, tikam lutuunu moori uruunu ma timar, mi tiso lae pa Yairus. Tiso: “Ou kolman, segeede sorok tomtom biibi tana ma ila ruumu ku pepe. Pa lutum moori ipas kek.” ³⁶Tamen Yesu ileŋ sua ta tiso pa Yairus na, iso pini ta kembei: “Moto pepe. Kis urlaŋana ku. Pa nio aŋbotmbot.” ³⁷To iso pizin iwal biibi be timbot, mi ikam Petrus ziru Yems mi tiziini Yoan men ma ziŋan tila. ³⁸Tiwwa ma tila tipet ruumu ki Yairus. Mi Yesu ileŋ tiŋiizi biibi izalla, mi ire zin wal tizzu ma tizze, ³⁹to ilela ruumu leleene mi iso pizin. Iso: “Parei ta kataŋtanj ma koyo orooro biibi ma kembei? Morri tana, ni imeete som. Inga sa ikeene na.” ⁴⁰Zin tileŋ sua kini tana na, tiseenge pini. Tana iziiri zin ma tiyooto lup. To ikam morri tana tamaana ma naana, mi nanŋanj kini tel tina, mi ziŋan tilela ruumu leleene ta morri ikenne pa na. ⁴¹To Yesu iteege su pa namaana mi iso: “Talita kum!” (Sua ti ka uunu ta kembei: ‘Morri, nio aŋso pu: marga!’)^b ⁴²To ni burup ma imanga mi iwwa pataaŋa. Morri tina, ka ndaama laamuru mi ru. Zin wal ta tire mos tina na, tiŋa naman. Paso, tikam nŋar pa ma tirao som.^c ⁴³Mi Yesu ingalsek pizin be tiso uruunu pa tomtom sa pepe. Tona iso pa tamaana ma naana be tikam lutun moori ka kini ma ikan.

Zin Nasaret kan tiurla ki Yesu som mi tirepiili i

(Mt 13:53-58; Lu 4:16-30)

6 ¹Yesu izem lele tana, mi imiili ma ila pa itunu kar kini. Mi nanŋanj kini tito i ma ziŋan tila. ²Indeenge aigule potomŋana tabe keten

^a 5:30 Lu 6:19 ^a 5:34 Mk 10:52; Lu 7:50, 17:19; ŋgo 14:9 ^b 5:41 Lu 7:14

^c 5:42 Yo 5:21, 11:43; Ro 4:17

su pa i na, Yesu ilela lupɲana muriini mi ikamam sua ki Anutu pizin tomtom. Mi wal boozomen ta tileɲ sua kini na, timurur pa ɲgar kini ma tiso: “Wai, to tingi ikam mbulu boozomen tingi be parei? Asiɲ ipaute i, ta le ɲgar biibi ta kembei? Mi parei ta ni irao ikam mos bibip ta kembei?”^d ³Ni kar toro sa bekana takankaana pini? To ti, ni tomtom ki iwwo ruumu tau. Naana Maria, mi tiziini bizin Yems, Yose, Yudas, mi Simion, ziɲan lunuri bizin, ta niamɲan ambotmbot i.” Tana tirepiili i mi tiurla kini som.^e ⁴Tabe Yesu iso pizin ma iso: “Anutu kwoono sa, sombe ikam uraata su itunu kar kini, nako wal kini mi toɲmatiziɲ kini matan pasomi. Mi sombe ila lele toro, nako len ɲger pini mi tiwit uruunu.”^f

⁵Tana Yesu irao be itoro mos biibi sa isu tana na som. Tamen namaana isalakaala zin meteqan tataɲa ma nin ambai. ⁶Mi ikam ɲgar booza pa zin wal kini. Parei ta tiurla kini som?

Yesu iɲgo naɲgaɲ kini laamuru mi ru ma tila pa uraata

(Mt 10:5-15; Lu 9:1-6)

Tona Yesu imanga ma izem kar kini, mi iwwa pa kar ta boozomen mi ikamam Anutu sua kini pizin tomtom. ⁷Mi ilup naɲgaɲ kini laamuru mi ru, mi iur zin se ruɲa pa uraata, be tila ma tiziiri bubuɲana sananɲan. ⁸⁻⁹Mi iur sua pizin be tila na, tipa raama mburu booza pepe. Irao tikam kini pepe, pelpeelee pepe, pat pepe, mi mburu keeneɲana pepe. Tiur kumbun keteene mi titeege len tete men be tipa pa. Ina irao. ¹⁰Mi iso pizin ta kembei. Iso: “Niom sombe kala pa kar sa, mi tikam yom ma tiur yom pa ruumu tasa, na kombotmbot ruumu tina men ma irao kezem kar tana. ¹¹Mi sombe kar sa tileɲ yom som, mi titit yom, na kitirke ululu kizin pa kumbuyom ma isu lene, mi kezem zin ma kala leyom. Naso iwe kilalan pizin pa sanaana kizin.”^g

¹²Tana naɲgaɲ kini tila mi tizzoyaryaara sua pizin tomtom boozomen be tizem sanaana kizin mi titooro lenen. ¹³Mi tizirziiri bubuɲana sananɲan boozomen pizin tomtom, mi tizulzuulu ɲgere ise zin meteqan kulin, mi tiurpewe zin ma nin ambai.^h

Yoan ta yok kamɲana ka tomtom na imeete

(Mt 14:1-12; Lu 9:7-9)

¹⁴Yesu uruunu ila ma irao lele ta boozomen kek. Tabe king Erot, ni ileɲ uruunu tomini. Pa tomtom pakan tiso ta kembei: “Iɲga ko Yoan som? Tomtom ta muɲgu ikamam yok pizin iwal, mi imeete ma ila, ta iɲga burup ma imanga mini a. Tanata le mburaana biibi kat.”ⁱ ¹⁵Mi pakan tiso: “Soom. Iɲga Anutu kwoono Ilia ta imiili ma imar mini a.” Mi

^d 6:2 Yo 7:15 ^e 6:3 Yo 6:42 ^f 6:4 Yo 4:44 ^g 6:11 Iɲgo 13:51 ^h 6:13 Yems 5:14+

ⁱ 6:14 Mk 8:28

pakan tiso: “E-e. Inga ko Anutu kwoono toro sa, raraate kembei ta Anutu kwoono bizin ta mungu tikamam uraata na.”^j

¹⁶ Mi Erot ileŋ Yesu uruunu na, iso: “Inga ko Yoan tau. Tomtom ta aŋpuni ma imeete, ta imanga mini ma imbotmbot a.” ¹⁷⁻²⁰ Ni iso ta kembei paso, ikam ngar pa mbulu ta mungu ikam pa Yoan na. Mbulu ta kembei: Mungu Erot iwoolo kana toono Pilip kusiini, zaana Erodias. Tana Yoan ila ki Erot, mi iyaambi ma iso pini ta kembei. Iso: “Mbulu ta kam pa tom Pilip kusiini, ina nu molo pa tutu.”^k

Sua tana ikam ma Erodias keteene malmal pa Yoan. Tana iru zaala be ipuni ma imeete. Tamen itoombo ma som. Paso, Erot ire Yoan kembei ni tomtom ndeengejana mi tomtom potomjana ki Anutu. Tana imoto i, mi ipeteke waene be ipasaani pepe. Mi iso ma tikam Yoan ma tila tipo i, mi tiuri lela ruumu sanaana ma imbotmbot. Yoan imbotmbot lela ruumu sanaana leleene, mi ikamam sua pa Erot. Mi indeeje ta Erot ileŋleŋ sua kini na, dadaru ikamami pa. Tamen ni leleene be ileŋleŋ men.

²¹ Timbot ma kaimer to zaala ipet pa Erodias be ipun Yoan. Indeeje Erot mbeŋ kini na, ni ikam kini biibi, mi ilup zin wal ta timuŋmuuŋgu pa uraata kini na, raama zin bibip kizin malmal kan mi zin peeze kan ki Galilea be ziŋan tikan kini mi menmeen zin. ²² To Erodias lutuunu moori ilela ruumu leleene, mi irak su keren uunu ma ambai kat. Tabe ipas Erot ziŋan zin wal tina keten. Tana Erot isu mi iso: “Wai, sokorei sa ta nu sombe wi yo pa, na nio ko aŋkam pu!” ²³ To ipombol sua kini ma imbol kat. Iso: “Ŋonoono kat, sokorei sa ta nu sombe wi yo pa, na nio ko aŋkam pu men tau. Sombe lelem be aŋpeete koronj tio ta boozomen, ramaki toono taingj ta aŋborro na, ma pakaana iwe lem, nako aŋkam ta kembei!”

²⁴ Erot iso sua tana, to morri tina iyooto ma ila, mi iwi naana. Iso: “Parei, ko aŋwi pa leŋ sokorei?” Naana ipekel kaljaana ma iso: “Wi pa Yoan ta yok kamjana ka tomtom na, uteene.” ²⁵ Tana ni iloondo ma ila ki Erot mini mi iso: “Nio leleŋ be yembut Yoan ta yok kamjana ka tomtom na ŋgureene ta buri, mi uteene isula timbiiri, mi kam pio.”

²⁶ King Erot ileŋ sua tina na, leleene ipata biibi kat. Tamen irao be itit kaljaana na som. Pa ipombol sua ma iso ŋonoono kat isu wal biibi tina keren uunu ma tileŋ kek. ²⁷⁻²⁸ Tana loŋa men mi ingo menderjana kini ta ma ila pa ruumu sanaana, be iyembut Yoan ŋgureene mi ikam uteene ma imar. Menderjana tana ila ma iyembut Yoan ŋgureene makiŋ, to ikam uteene mi iur sula timbiiri, mi ikam ma imar, mi iur la ki morri tina. To ni ikam ma ila ki naana.

²⁹ Indeeje nanganj ki Yoan tileŋ Yoan uruunu na, tila ma tikam putuunu, mi tila titwi i lela raŋ sumbuunu.

^j 6:15 Mt 16:14; Yo 4:19, 9:17 ^k 6:17-20 Wkp 18:16

Yesu iputu tomtom munjaana lamata (5,000)
(2Kin 4:42-44; Mt 14:13-21; Lu 9:10-17; Yo 6:1-14)

³⁰Kaimer to Yesu ngogana kini timiili ma zijan Yesu tilup mini, mi tisotaari pa uraata mi sua boozomen ta tikam pizin tomtom na.¹ ³¹Mi iwal biibi timarmar ma tilala. Tabe Yesu zijan nanganj kini tirao be keten su ma tikan kan kini na som. Tana Yesu iso pizin ta kembei: “O nanganj tio, kamaŋa ma tala lele bilimjana sa bekana iti men tombotmbot mi ketende su ri.”^m ³²Tana tila ma tise woongo ta, mi tisombe zin men tila len toono pakaana sa ta ka tomtom somjana. ³³Tamen woongo ikowo ma ila, mi iwal tire la pizin mi tikilaala zin. To tiloondo pa peende ma tikonzaala zin mi timuungu ma tila tizza zin.

³⁴Yesu zijan nanganj kini sor lela peende na, ire zin iwal biibi tana ma leleene isaana pizin. Pa ire zin kembei sipsip ta len mborogan sa som mi timbot sorok. Tabe imanga mi ikam sua ki Anutu pizin mi ipaute zin pa koronj boozo.ⁿ ³⁵Timbotmbot ma lele be rorou, to nanganj kini tila kini mi tiso pini. Tiso: “Lak, ingi rou kek mi tombot lele ta ka kini somjana i. ³⁶Tana so pizin wal be tila pa kar ta kolouloujan i ma tinggiimi kan kini.”

³⁷Yesu ipekel kwon ma iso: “Soom. Niom ituyom kakam kan kini ma tikan.” Mi zin tipekel kwoono ma tiso: “Wai, mi niam leyam pat denari 200 sa be amgiimi iwal biibi ti kan kini? Wal ti sorok?”^o ³⁸Mi Yesu iso pizin ma iso: “Kala kere. Koyom narabu piizi ta imbotmbot?” Tana tila tire, to timiili ma timar, mi tisotaari ta kembei: “Ingi ye luluunu tamen, mi narabu lamata ti.” ³⁹To Yesu iur sua pizin nanganj kini be tila mi tiso zin iwal biibi tana be mbulen isu mbutmbuutu mi timbot la utumbuunu. ⁴⁰Tana zin mbulen su mi timbot la utumbuunu. Uunu pakan na, tomtom kembei tomtor laamuru.

⁴¹Tona Yesu ikam narabu zaraaba lamata mi ye luluunu ta tana, mi mataana isala kor mi isuj pa. To itete narabu mi izarra la kizin nanganj kini, mi tila ma tirai pizin tomtom. Mi ye ru tina tomini, ina ni iyapalpaala mi izarra la kizin, mi zin tila tirai pizin tomtom ta boozomen. ⁴²Mi tomtom boozomen tina tikan ma kopon isaana. ⁴³Mi narabu mi ye surunsurun ta imbotmbot na, nanganj kini tiyogeege sula kiri laamuru mi ru ma bokbok. ⁴⁴Wal ta tikan narabu tana na, tinin zin tomooto men ma tirao kembei munjaana lamata (5,000).

Yesu ipa se tai
(Mt 14:22-33; Yo 6:15-21)

⁴⁵To loŋa men mi Yesu iur sua pizin nanganj kini be tise woongo mi timuungu ma tila pa kar Betsaida ta imbot tai pakaana mbaaga na. Mi ni

¹ 6:30 Lu 10:9+, 10:17 ^m 6:31 Mk 3:20 ⁿ 6:34 Mt 9:36 ^o 6:37 Yo 6:7

itunu imbot ma iur zin iwal biibi ma tila len lup. ⁴⁶Tona imiili na isala pa abal ta be imbot mi isun.^p ⁴⁷Mberj na, woongo ila ma ipeete tai lukutuunu kek. Mi Yesu itutamen ta imbotmbot toono uunu. ⁴⁸Ni ire la pizin nanganj kini na, kembei tiseebe miiri mi mburan papiriizi pa puze. Ni imbotmbot ma lele imarmar, to imanga ma ipa se tai kuliini mi ikonjuru zin nanganj kini ma ila. Ila ma isombe ikonzaala zin, ⁴⁹to tire lae pini na tiso ko kon sa ta ipa se tai kuliini. Tana tinjarakrak ma kaljan sanaana. ⁵⁰Pa zin ta boozomen tire i, mi timoto kan ma tisaana. To Yesu lonja men mi iso pizin. Iso: “Hai! Komoto paso? Kakam ngar boozo pepe. Ingi nio tau.” ⁵¹Tona ise kizin. Isala woongo na, miiri imap mi taun isu. Nanganj kini tire mos tina na, timurur pa. Tikam ngar pa ma tirao som. ⁵²Paso, lelen imun kat. Mos ta ni ikam pa narabu, ina ipei ngar kizin risa som.^q

Yesu iziiri mete pizin tomtom isu kar Genesaret

(Mt 14:34-36)

⁵³To Yesu zijan nanganj kini tila ma sor lela kar Genesaret. ⁵⁴Tilu zin su pa woongo na, iwal biibi tikilaala Yesu. ⁵⁵Tabe tiloondo ma tila mi tiso uruunu ma irao lele tana. Tana tilej Yesu uruunu beso imbot swoi na, tisiŋ zin metengan mi tikonjuru i ma tila. ⁵⁶Mi Yesu ipa ma ila pa kar bibip mi kar munmun mi su tomini. Mi indeenje ta sombe ni ipet kar sa, na zin wal tiyyo metengan kizin ma tila tiluplup zin su kar keteene, mi titanjoro i be irao zin wal metengan titeegi, som titeege mburu kini kwopiriini men. Mi wal boozomen ta titeegi na, mete kizin imap mi nin ambai.^r

Tutu ki Anutu ilip pa tutu kizin kolman

(Mt 15:1-9)

7 ¹⁻⁴Zin tutu kan zijan zin Yuda pakan tomini, zin timbolmbol pa tutu kizin kolman. Ngargar kizin ta kembei: Sombe tikan kini, na bela tingguuru kat naman mungu, tona tikan. Mi sombe tila nol muriini ma timiili ma timar, na bela tikam yok ma titiyaara sala gwan be tingguuru wal bujin ma ila lene, tona tikan kini. Tana zin len tutu boozo ta kembei. Tutu pakan iso pa kuuru ma mbooro nguuruŋana mi tutu pakan iso pa koronj pakan.^s

Zin tutu kan pakan zijan zin ngarjan ki tutu tizem Yerusalem mi timar ki Yesu, mi tire nanganj kini tito tutu ki naman nguuruŋana som, mi tikan kini. Tana tire ma ambai som. Pa nanganj kini naman ingeeze som, mi titeege kini ma tikan.^t

⁵Tabe tisu to tiwi Yesu. Tiso: “Nanganj ku tina tingguuru naman som mi tikan sorok kini. Parei ta timololo tutu kizin kolman?” ⁶Yesu ipekel kwon

^p 6:46 Mk 1:35 ^q 6:52 Mk 8:17 ^r 6:56 Mt 9:20, 14:36; Nggo 19:12 ^s 7:1-4 Mt 23:25+; Yo 2:6 ^t 7:1-4 Lu 11:38

ma iso: “Niom tina pakamkaamjoyom! Mungu Anutu kwoono Yesaya ibeede sua ta indeenje kat yom. Iso ta kembei:

Wal taiŋgi, zin tipakurkur yo sorok pa kwon.

Tamen lelen na, imbot molo kat pio.

⁷Pa tipaute zin tomtom pa tutu kizin kolman, mi tiso ina tutu ki Anutu.

Tana mbulu ta tikamam be timbesmbeeze pio na, iwe koronj sorok.”^u

⁸Mi Yesu iso pizin mini ma iso: “Tutu ta Anutu iur na, niom kezem ma imborene. Mi tutu ta tumbuyom bizin tiur, ta iŋgi kikiskis, mi kakam ma imbol piom.” ⁹Mi iseenge sua kini ta kembei: “Ŋonoono kat, niom kipizil ndemeyom pa tutu ki Anutu, bekena motoyom iŋgal ituyom tutu tiom mi koto. Mbulu tana, niom karao pa kat. ¹⁰Nio aŋso paso, Mose ibeede tutu pataaŋa kek ta kembei:

Lem nger pa tomom ma nom mi mbeeze pizin.

Mi tomtom ta sombe mata pasom tamaana ma naana, som ikam sua sananŋana pizin na, kupuni ma imeete.”

¹¹⁻¹²“Mi niom na, kakamam ta kembena som. Pa kozzo ta kembei: Sombe tomtom sa le koronj be iuulu tamaana ma naana pa, mi tamen ikam pizin som, mi iso pizin ma iso: ‘O, koronj ti, nio aŋrao aŋkam piom som. Pa iŋgi aŋur ma iwe Anutu lene kek.’ Tomtom sa iso ikam ta kembei, na niom kepeteke i som, mi kopomboli be iuulu tamaana ma naana som. ¹³Ta kembena ta niom kakamam Anutu sua kini ma iwe koronj sorok, mi kapakurkur zin kolman tiom tutu kizin ma ilip. Mi mbulu tiom boozomen raraate men.”

Koronj ta ikam tomtom ma isaana pa Anutu mataana

(Mt 15:10-20)

¹⁴Tona Yesu iboobo zin iwal ma tila kini mini, mi iso pizin ta kembei: “O niom ta boozomen, kuŋgun talŋoyom pa sua tio ti mi kakam ngar pa ka uunu. ¹⁵⁻¹⁶Koronj ta sombe tomtom titeege mi tikan ma isula pa kopon, ina irao be ikam zin ma tisaana pa Anutu mataana na som. Mi koronj ta tomtom lelen iur pa ma iyooto ma ipet, ta ikam zin ma tisaana.”^w ¹⁷Ni iso sua tana makinj, to izem zin iwal tina ma timbot, mi ila pa ruumu. To zin nanŋaŋ kini tiwi i be ipeeze sua tina ka uunu pizin ma tileŋ. ¹⁸Taba ni iso pizin: “Wai, niom tomini kakankaana? Ŋgar tiom ikam sua ti risa som? Koronj boozomen ta teteege mi takanan ma isula pa kopondo, ina irao be ipasaana iti pa Anutu mataana na som. ¹⁹Pa ina ikam kosa sa pa lelende

^u 7:7 Yesa 29:13; Kol 2:20+; Tit 1:14 ^v 7:10 Kam 20:12, 21:17 ^w 7:15-16 Ŋgo 10:14+; Ro 14:14,20; 1Tim 4:4

som. Isula pa kopondo men, mi molo som, to isu lene.” (Yesu sua kini ti, ka uunu ta kembei: Kororj ta boozomen ambai pa kanjana. Sa ipasaana iti pa Anutu mataana som.)

²⁰Mi Yesu iso mini ma iso: “Mbulu ta imbot pa tomtom lelen mi iyooto ma ipet, ta ipasaana zin pa Anutu mataana. ²¹⁻²²Paso, ngar sananjan boozomen ta imbot la tomtom lelen, ta ipiyotyooto mbulu sananjan. Mbulu ta kembei: Tuur nol, takam kuumbu, tupun sorok tomtom ma imeete, tapasaana ula, matanda berber, takam zigzik, mbulu pakaamjana, mbulu kizin me ma nge, matanda mburmbur, tipiri sua sananjana, tapakur itundu mi terepiili waende bizin, takam mbulu sananjan bozboozo. ²³Tana motoyom ingal! Mbulu sananjan boozomen ta iyotyooto pa lelende i, ta ikam ti ma tasaana pa Anutu mataana.”

Urlajana biibi ki moori ta Yuda somjan i
(Mt 15:21-28)

²⁴To Yesu imanga mini mi izem lele tina ma ila pa lele pakaana ta kar bibip ru, Tiro mi Sidon, timbot pa na. Ni ipa ma ila, to ike sala ruumu ta. Kokena tomtom tire i. Tamen ike na, irao som. ²⁵⁻²⁶Pa moori ta, ni lutuunu moori, bubujana sananjana izeebi ma igadgaada kat. Ileg Yesu uruunu, to loja men mi ila ipet kini. Mi moori tina, ni Yuda som. Ni Grik nan ta ki toono Ponisia ta imbot lele pakaana ki Siria na.

Ni ila ipet ki Yesu, to itop su kereene uunu mi itanroro i be iziiri bubujana sananjana tana pa lutuunu moori. ²⁷Tamen Yesu ipekel kwoono ma iso: “Wai, kini kizin pikin, ko iti loja mi tigiibi su ma me tikan? Som. Bela pikin tikan mungu.”^x ²⁸Mi moori ipekel kwoono ma iso: “Merere, ina gonoono. Tamen sombe pikin tikanan kini mi muunu itoptop su, inako iwe me kan.” ²⁹To Yesu iso: “Ina nu pekel kat. Miili ma la ruumu ku. Pa bubujana sananjana iko pa lutum moori kek.”

³⁰Beso moori tana imiili ma ila ruumu na, ire lutuunu moori niini ambai mi ikenne sala mbalia kini. Bubujana sananjana iko pini kek.

Yesu iurpe tomtom ta, ni taljana imun mi kwo somjana

³¹Tona Yesu imanga mini ma izem lele pakaana ki Tiro, mi ila ipet kar Sidon. To ila ipet lele pakaana ki Dekapolis, mi iyembut ma ilae pa tai Galilea.^y ³²Ipet lele tana to, tikam tomtom ta ma tila kini. Tomtom tana, ni taljana imun mi kwoono iso kat sua som. Tana titanroro Yesu be iur namaana isalakaali mibe iurpe i. ³³Tana Yesu ikami ma ziru tilae ri, to izeebe namaana ru ila tomtom tina taljana. To ikiziu se nama lutuunu mi ipakap se tomtom tina miaana.^z ³⁴To mataana isala pa saamba, mi

^x 7:27 Sua ki Yesu ka uunu ta kembei: Uraata kini ko ila pa zin Yuda men mungu. Mana kaimer to ila pizin wal ta Yuda somjan i. ^y 7:31 Mt 15:29+ ^z 7:33 Mk 8:23; Yo 9:6

iyataaŋa ma biibi, mi iso pa tomtom tina ma iso: “Epata!” (Sua tina, ka uunu ta kembei: ‘Kaaga’)

³⁵To loŋa men mi tomtom tina talŋaana ikam pus mi kwoono ikam kak, mi iso kat sua.^a ³⁶To Yesu ingalsek pizin iwal be tiso uruunu pepe. Tamen iso na som. Pa tire kat kek. Tabe kaŋkaŋ ma tila mi tisoyaara uruunu. ³⁷Mi wal boozomen ta tileŋ na, timorsop biibi kat mi tiso: “Wae, tomtom ti, ni irao kat. Koronj boozomen ta ikamam na, ambai men. Pa zin talŋan munŋan tileŋ sua, mi kwon munŋan tiso sua.”

Yesu iputu wal munŋaana paŋ (4,000)

(Mt 15:32-39)

8 ¹Indeeŋe mazwaana tana na, iwal biibi tilup zin mar ki Yesu mini. Timbotmbot ma kini kizin imap, to Yesu iboobo nanŋaŋ kini ma timar, mi iso pizin ma iso: ²“Nio leleŋ isaana pizin wal taŋgi. Pa itijan tombot pa aigule tel ma kini kizin imap kat. ³Mi sombe aŋkam kan kini som, mi aŋur zin sorok ma tila len raama petel zin, inako mburan imap su zaala lwoono. Pa zin pakan, tipa pai molo ma timar.” ⁴Nanŋaŋ kini tipekel kwoono ma tiso: “Wai, mi ko takam kini swoi mi tuputu zin wal ta kembei! Pa ingi sa tombot lele bilimŋana na.” ⁵To Yesu iwi zin. Iso: “Narabu tiom piizi ta imbotmbot na?” ⁶Zin tiso: “Lamata mi ru.”

To ni iur sua pizin iwal ma mbulen isu. Mi ikam narabu lamata mi ru tina mi isuŋ pa maŋiŋ, to itete mi izarra la kizin nanŋaŋ kini, beken a tila ma tirairai pizin. Tana tito kalŋaana, mi tikam ma tila tirai pizin. ⁷Mi ye kizin munmun pakan timbotmbot tomini. Ina tikam la kini mi ni isuŋ pa, to iso pizin ma tila tirairai pizin iwal. ⁸Iwal biibi tina tikan ma irao zin, to tiyogeege kini surunsurun ma tizeebe zin sula tiigi lamata mi ru ma bokbok. ⁹Zin iwal ta tikan kini tina na, tinin zin ma tirao kembei munŋaana paŋ (4,000). Tikan maŋiŋ to, Yesu iso pizin be timureege mi timilmiili ma tila pa kar kizin kizin. ¹⁰Mi ni zikan nanŋaŋ kini loŋa men mi tise woŋgo, mi tila pa lele pakaana ta zaana Dalmanuta.

Zin tutu kan tisombe tire mos sa

(Mt 16:1-4)

¹¹To zin tutu kan pakan timar ki Yesu mi zikan tiparzorzooro ma titoombi. Tisombe ni ikam mos sa tabe iswe kembei ni iwwa raama saamba mburaana, to tire mi tiurla kini.^b ¹²Tana Yesu niini gesges pizin mi iyataaŋa ma biibi ma iso: “O yae, niom tomtom ta koozi kombotmbot na, uunu parei ta kamaŋmaŋ be kere mos? Nio aŋso kat piom ta kembei: Anutu ko ikam mos sa ma ipet be kere na som. Som kat.”^c ¹³Tona izem zin, mi zikan nanŋaŋ kini tise woŋgo mi tila mini pa tai pakaana mbaaga.

^a 7:35 Yesa 35:5+ ^b 8:11 Mt 12:38; Lu 11:16; Yo 6:30 ^c 8:12 Lu 11:29

Yis ki Erot ziŋan zin tutu kan
(Mt 16:5-12)

¹⁴Nanggan kini matan mbeleele ma tikam kan kini boo zo som. Tikam narabu zaraaba tamen. ¹⁵Timbotmbot se woongo, mi Yesu mataana ila pa mbulu ki Erot ziŋan zin tutu kan ta ire kembei ambai som. Tana imaata kwoono pizin nanggan kini ma iso: “Motoyom ingal ituyom, mi kere yom pa yis ki Erot ziŋan zin tutu kan!”^d ¹⁶Mi nanggan kini tikam kat ngar pa sua kini som. Tabe tiparzzo pizin ma tiso: “Inggi ko iso piti paso, matanda mbeleele mi takam kanda narabu som tau.” ¹⁷Mi Yesu ikam la pa ngar kizin, tana iso pizin ma iso: “Wae, niom koyyo kwoyom pa koyom narabu paso? Kakam kat ngar zen? Kikilaala zen? Koron sa ipei ngar tiom som?”^e ¹⁸⁻¹⁹Niom motoyom, ma kere som? Mi taljyom ma kelenj som? Motoyom la pa mos ta anjamam na. Indeeje ta aytete narabu lamata men pizin iwal munjaana lamata ma tikan ma irao zin na, ituyom koyogeege surunsurun isula kiri piizi?” Zin tipekel ma tiso: “Laamuru mi ru.”^f ²⁰To iwi zin mini. Iso: “Mi parei? Indeeje ta aytete narabu lamata mi ru pizin tomtom munjaana paŋ ma tikan na, niom koyogeege surunsurun isula tiigi piizi?” Zin tipekel ma tiso: “Lamata mi ru.” ²¹Tona Yesu iso pizin ma iso: “Ta tina. Niom kikilaala zen?”

Yesu iurpe tomtom mata piŋana ta isu kar Betsaida

²²Yesu ziŋan nanggan kini tila ma tipet kar Betsaida, mi wal pakan tikam tomtom mata piŋana ta ma tila kini. Mi titanroro i be iteegi mi iurpe i. ²³Tana Yesu iteege mata piŋana tina namaana, mi ikami ma ziru tizem kar mi tilae ziljaana. To ipures la tomtom tana mataana, mi namaana isalakaali, mi iwi i ma iso: “Parei, re lele, som som?” ²⁴To tomtom tina mataana se pini, mi iso: “E! Aŋre zin tomtom tiwwa. Tamen aŋre kat zin som. Aŋre zin na, kembei ta ke, mi tiwwa.” ²⁵Tana Yesu iur namaana ise mataana mini. Tona mataana ikam pak mi ire kat lele. ²⁶Mi Yesu iso pini ta kembei. Iso: “Maŋga ma la pa ruumu ku. Mi lae kar pepe.” To izemi ma ila.

Petrus iswe kat kembei Yesu ni Mesia
(Mt 16:13-20; Lu 9:18-21)

²⁷Tona Yesu ziŋan nanggan kini timaŋga mini, mi tila be tire kar munmun ta timbot koloujana pa kar Sisarea Pilipai. Tiwwa pa zaala ma tila, mi Yesu isu to iwi zin. Iso: “Lak, nio ti, tomtom tikam ngar pio be parei?” ²⁸Zin tipekel kwoono ma tiso: “Wal pakan tisombe nu Yoan, ta muŋgu ikamam yok pizin tomtom na. Mi pakan tisombe nu Anutu kwoono Ilia. Mi pakan tiso nu Anutu kwoono toro sa.”

^d 8:15 Lu 12:1; 1Kor 5:6+; 1Pe 2:1 ^e 8:17 Mk 6:52 ^f 8:18-19 Mk 4:12; Iŋgo 28:26+

²⁹To Yesu iwi zin mini ma iso: “Mi niom na, koso nio asinj?” Petrus ipekel kwoono ma iso: “Nu Mesia tau, ulaaŋa biibi tiam Israel.”^g ³⁰Petrus iso, to Yesu kwoono imbol pizin be tiswe i la ki tomtom toro sa pepe.

Yesu iso zin pa meeteŋana kini

(Mt 16:21-23; Lu 9:22)

³¹Tona Yesu imanŋa be ipaute zin nanŋan pa meeteŋana kini. Iso pizin ta kembei: “Tomtom Lutuunu bela ire patanŋana booŋo. Pa zin peeze kan, mi zin bibip kizin patoronŋana kan, mi zin ngarŋan ki tutu ko lelen pini som, mi tipuni ma imeete. Tamen mbeŋ iwe tel pa, to Anutu ipei i ma burup ma imanŋa mini.” ³²Yesu iturke sua tana pizin som. Ni iswe kat. Tabe Petrus ikami ma ziru tibeŋe lae, to imanŋa mi iyaambi. ³³Tamen Yesu itoori ma mataana ila kizin nanŋan kini, to isu mi iyaamba Petrus ma iso: “Sadan, ko molo pio. Ŋgar ku kembei Anutu ngar kini som. Ina nu kam ngar kembei zin tomtom men.”

Zaala tabe toto Yesu pa

(Mt 16:24-28; Lu 9:23-27)

³⁴Tona Yesu ibooŋo zin iwal biibi ziŋan nanŋan kini ma tila kini, mi iso pizin ta kembei: “Tomtom sa isombe igaaba yo ma iwe leŋ, na bela ikoto itunu, mi ikwaara ke pambaaranŋana kini, mi ito yo.”^h ³⁵Pa tomtom sa, sombe ikam ngar biibi pa itunu kuliini men, inako ikam mbotŋana ŋonoŋo ta ki Anutu i som. Mi tomtom sa isombe izem kat itunu pio mi uruunu ambaiŋana, nako ikam mbotŋana ŋonoŋo ta ki Anutu i.ⁱ ³⁶Mi parei? Sombe tomtom sa ikam koronŋ toono kana ta munŋaana men, mi tamen itunu kunuunu ila lene, ko ambai? Som. ³⁷Pa ni le zaala sa be ikam kunuunu tana ma imiili na som.^j

³⁸“Koozi, tomtom booŋo tipizil ndemen pa sua mbukŋana ta tikam pa Anutu na, mi tikamam mbulu bozbooŋo. Tana kere yom. Pa tomtom ta sombe iwatkaala nio zoŋ mi sua tio ila tomtom matan, na indeeŋe ta Tomtom Lutuunu ziŋan zin aŋela potomŋan tisombe timiili ma timar raama Tamaana mburaana biibi, na ni ko iwatkaala tomtom tana zaana tomini.”^k

9 ¹Mi Yesu iso mini ma iso: “Nio aŋso kat piom, niom pakan ta itiŋan tomtotmbot i, ko kemeete zen, mi kere Anutu iswe peeze kini raama mburaana biibi.”^l

Yesu runguunu itooro ma iwe milmilŋana

(Mt 17:1-13; Lu 9:28-36)

²Yesu ziŋan nanŋan kini timbotmbot ma kan mbeŋ lamata mi ta ilae, tona ikam Petrus, Yems, mi Yoan ma zin paŋ men tisala pa abal uteene

^g 8:29 Yo 6:68+, 11:27 ^h 8:34 Mt 10:37+ ⁱ 8:35 Lu 17:33; Yo 12:25 ^j 8:37 Mbo 48:7+
^k 8:38 Mt 10:33; Ro 1:16; 2Tim 2:12 ^l 9:1 Mt 16:28; Lu 9:27

ta kor a. ³Timbotmbot mi molo som na, zin tel tana tire Yesu runguunu itooro mi mburu kini ikokou kat ma imilmil. Tomtom toono kana sa irao be inguuru mburu ma ikokou kat kembeia som. ⁴To nangaj kini tel tina matan ila na, tire Ilia ziru Mose tipet ma ziŋan Yesu tizzo sua.

⁵To Petrus imanga na iso la pa Yesu. Iso: “Mos katuunu, ingi ambai kat. Pa itiŋan ta tombotmbot i. Mi parei, ko ampo beeze tel sa? Ta pu, ta pa Mose, mi ta pa Ilia?” ⁶Sua tina, Petrus iso sorok. Pa ziŋan waene bizin timoto biibi kat. ⁷Molo som mi miiri tieene isu ma izukkaala zin. To tileŋ kalŋaana ta imbot lela miiri tieene mi ipet ma iso ta kembei: “Lutuŋ tamen ŋonoono ta nio leleŋ pini ilip kat ta tina. Keleŋ la kalŋaana!”^m ⁸To loŋa men mi matan ise na, tire Yesu itutamen. Tomtom toro sa som.

⁹Tizem abal mi tiwwa ma tisula na, Yesu kwoono imbol pizin be tiswe mbulu ta tire na uruunu pizin wal pakan karau pepe. Imbotmbot ma sombe Tomtom Lutuunu imanga mini pa naala, tona tiswe ma ipet. ¹⁰Tana nangaj kini tipo sua tana ise ndomon, mi zitun tiparwwi zin ma tiso: “Wai, sua ta ni iso pa manganana pa naala na, ina ka uunu parei?” ¹¹To tiwi Yesu ma tiso: “Parei ta zin ngarŋan ki tutu tisombe Ilia bela imiili ma imar muŋgu, tona Mesia?”ⁿ ¹²⁻¹³Mi ni ipekel kwon ta kembei. Iso: “E, ina ŋonoono. Ilia bela imar muŋgu, mi ipazal koron ta boozomen. Mi nio anso piom. Sua tina iur ŋonoono ise ki Yoan kek. Motoyom ingal mbulu ta tikam pini na. Tito zitun ngar kizin mi tiseeze sorok mataana, kembei ta ka sua imbot ta muŋgu kek. Kenako parei pa sua ta muŋgu tibeede pa Tomtom Lutuunu? Sua ta kembei: ‘Zin ko tiseeze mataana, mi tirepiili i.’”^o

Yesu iziiri bubuŋana sananŋana pa nangaj ta
(Mt 17:14-21; Lu 9:37-43a)

¹⁴Zin timiili ma timar mi tipet kizin nangaj pakan ki Yesu, to tire zin iwal biibi timar tiliu zin ma timbotmbot. Mi ngarŋan pakan ki tutu timbotmbot raama zin, mi ziŋan tiparzorooro pa sua. ¹⁵Iwal biibi tire Yesu, to timurur mi loŋa tiloondo ma tila be tire i. ¹⁶To Yesu iwi zin ma iso: “Niom kaparzorooro pa so sua i?”

¹⁷Tomtom ta imbotmbot la iwal biibi tina lenen, ni imanga mi ipekel kwoono ma iso: “Mos katuunu, nio lutuŋ ta bubuŋana sananŋana izeebi ma kwoono imun. Tana ingi ankami ma ama ku i. ¹⁸Lutuŋ ti, re beso koron tana imanga pini, to ipalkeeti isu toono ma zoŋono ŋekŋek, ka toptoobo izzu, mi ikadat ma mburaana imap. Tana anwi zin nangaj ku be tiziiri bubuŋana tana ma ila ne. Tamen titoombo na tirao som.”

¹⁹Yesu ipekel kalŋaana ma iso pizin: “Aiss, niom tina ko som kat! Leyom urlanana sa som. Itiŋan tembel mbotŋana kek. Tana anso ko ngar

^m 9:7 Kam 40:34+; Mt 3:17; Iŋgo 3:22; 2Pe 1:17+ ⁿ 9:11 Mal 4:5; Mt 11:14

^o 9:12-13 Mbo 22:1+; Yesa 53:3; Lu 1:17

tiom ipet risa? Mi iŋgi som. Ambai. Kakam nangan tina ma imar.”²⁰ Tana tikami ma ila kini. Beso bubuŋana sananŋana tana ire Yesu na, imanga pa nangan tina, mi ipalkeeti su toono ma ikadat ma ka toptoobo izzu.²¹ To Yesu iwi tamaana ma iso: “Mete ti ikami ta muŋgu mi imar, som ta buri?” Tamaana ipekel kwoono ma iso: “Wai, indeeŋe ta ni nanganŋana mi imar.”²² Lwoono pakan, sombe imanga pini, to ipiri i sala you. Mi lwoono pakan na, ipundu i sula yok. Pa isombe ipasaana kati. Tana lelem isaana piam, mi sombe nu rao, na uulu yam.”²³ Tabe Yesu iso: “Wai, nu wi yo kembena paso. Ina imbot la urlaŋana men tau. Tomtom ta sombe iurla, na ni ko itat pa kosa sa som.”^p ²⁴Tabe nangan tina tamaana loŋa men mi itaŋroro Yesu ma iso: “Nio aŋurla. Mi tamen urlaŋana tio imbol som. Pombol yo!”

²⁵ Yesu mataana ila na, ire zin iwal biibi ta timekewe ma timarmar. Tana iŋasaara bubuŋana sananŋana ma iso: “Nu tana, ta kamam nangan ti ma kwoono mi talŋaana imun na, nio aŋur sua pu be zemi ta buri. Mi kozo loondo pini mini pepe.”²⁶ To koron tina iyak ma kalŋaana sanaana, mi iyelkatkat nangan tina ma itop su toono, mana iyooto pini ma ila lene. Iyooto ma ila na, nangan tina mataana mburri mi imetekat su ma imbotmbot. Iwal tina tire i mi tiso: “Wei, a ra, imeete kek!”²⁷ Tamen Yesu iteege namaana mi iwiti, to burup ma imanga imender.

²⁸ Uraata tana imap, tona Yesu ilela pa ruumu leleene. Mi ziŋan nangan kini men timbotmbot. To tiwi i ma tiso: “Parei ta niam ti amrao be amziiri koron tana som?”²⁹ Yesu ipekel ma iso: “Zaala toro sa som. Bela [taŋgalsek itundu pa kini kanŋana mi] tusuŋ, tona tarao tiziiri koron ta kembei.”

Yesu iso mini pa meeteŋana kini ma iwe ru pa
(Mt 17:22-23; Lu 9:43b-45)

³⁰ Tona Yesu ziŋan nangan kini tizem lele tina, mi tikewe mi tiwwa pa lele pakaana ki Galilea. Mi ni leleene be tomtom tiute pai kizin som.³¹ Pa ikamam sua pizin nangan kini ma izzo pizin ta kembei: “Tomtom Lutuunu, ni ko tikami ma tiuri la tomtom pakan naman, mi zin ko tipuni ma imeete ma kup. Tamen ko ka mbeŋ iwe tel pa, tona burup ma imanga mini.”³² Tamen zin nangan tikam ŋgar pa sua kini ka uunu som. Mi lelen be tiwi i som. Pa timoto.

Asiŋ ta ni zaana biibi ma ilip?
(Mt 18:1-5; Lu 9:46-48)

³³ Tiwwa ma timar tipet Kapenaum, mi tilela ruumu leleene, to Yesu iwi zin nangan kini. Iso: “Lak, iti tawwa ma tamar pa zaala na, niom

^p 9:23 Mt 17:20; Mk 11:23; Yo 11:40

kaparzorzooro pa so sua i?" ³⁴Mi zin tipekel kaljaana som. Timaane men. Pa tiparzorzooro pa kizin asiŋ ta ko zaana biibi ma ilip. ³⁵To Yesu mbuleene isu mi iso pizin. Iso: "O, kamar tis mi kelej. Tomtom ta sombe leleene be iwe mataana, na irao ipumuungu itunu som. Bela ikoto itunu mi imbeeze pizin tomtom ta boozomen."^q ³⁶Tona ikwaara nanŋaŋ musaana ta ma tila, mi ipamenderi la lukutuunu mi iso pizin nanŋaŋ kini ta kembei: "Tomtom sa sombe ikam nanŋaŋ munmun ta kembei, mi imbeeze pini pa nio zoŋ, na ni imbeeze pio tau. ³⁷Mi tomtom ta sombe imbeeze pio, ina ni imbeeze pio men som. Ni imbeeze pa Tamaŋ Anutu ta ingo yo ma aŋmar i tomini."^r

Lelende ambai pizin wal ta timbot lupŋana toro tomini
(Lu 9:49-50)

³⁸Yoan isu to iso pa Yesu ma iso: "Mos katuunu, niam amre tomtom ta, ni izirziiri bubuŋana sananŋan pa nu zom. Mi ni igabgaaba iti som. Tana ampeteke i." ³⁹Tamen Yesu iso pizin: "E-e, kepeteke i pepe. Pa tomtom ta sombe ipaata nio zoŋ ma itooro mos biibi sa, inako ni irao be loŋa mi iyyo kwoono pio na som."^s ⁴⁰Mi tomtom ta sombe iwe kanda koi som, na ni gaabaŋanda.^t ⁴¹Nio aŋso kat piom ta kembei: Kozobe tomtom sa ikam koyom yok risa ma kiwin pa uunu tau kewe Mesia lene kek, ina tomtom tina kola ikam le kadoono."^u

Watŋana ka sua
(Mt 18:6-9; Lu 17:1-2)

⁴²"Nanŋaŋ popoŋana tasa ta iurla tio na, sombe tomtom sa iwati ma itop pa urlaŋana kini, na tomtom tana, tembeli kek. Sombe tikam pat biibi ma timbit la ŋgureene, mi tila tipundu i sula mozo lukutuunu ma ila ne, to ambai.

⁴³⁻⁴⁴"Nomom tasa isombe iyaryaaru u ma kamam mbulu sananŋana, na ambai be yambut ma ila ne. Kokena imbot, to ikam ma tigiibu sula lem kar sanaana ta ka you imapmap som. Tana toŋgo. Nomom tamen ina irao. Pa kaimer ko kam mbotŋana mata yaryaaraŋana."^v ⁴⁵⁻⁴⁶Mi kumbum ta kembena. Sombe tasa ipawa u be kamam mbulu sananŋana, na ina tomini, yambut ma ila ne. Kokena imbot, to ikam ma tigiibu sula lem kar sanaana. Tana toŋgo. Kumbum tamen, ina irao. Pa kaimer ko kam mbotŋana mata yaryaaraŋana. ⁴⁷Mi motom tomini. Tasa isombe iyaryaaru u pa mbulu sananŋana, na pai ma isu lene. Toŋgo. Motom tamen, ina irao. Pa kaimer ko lela

^q 9:35 Mt 20:26+, 23:11; Mk 10:43+ ^r 9:37 Mt 10:40; Yo 13:20 ^s 9:39 1Kor 12:3

^t 9:40 Mt 12:30; Lu 11:23; 1Kor 3:1-9 ^u 9:41 Mt 10:42 ^v 9:43-44 Mt 5:30

kar ki Anutu. Kokena motom toro tana imbot, to ikam ma tigiibu sula lem kar sanaana.^w 48 “Pa kar tana, ka motmooto sananjan ta timetmeete som. Mi ka you ta kembena, ko imbotmbot ma alok.”^x

49 “Patoronjana ta izalla you na, titiyaryaara tai^y isala beken a iurpe ma ingeeze. Mi tomtom ta kembena. You kola ipet pizin tomtom ta boozomen.”^z

50 “Tai na, koron ambaijana. Tamen sombe mburaana imap, na irao tuurpe mini na som. Tai ta imbot sula leleyom na, kikiskis, mi leleyom par piom mi kaparlup yom ma kombotmbot.”^a

Sua pa ula yembutjana

(Mt 19:1-12; Lu 16:18)

10 1 Yesu imanga mini ma izem lele tina. Mi ila pa pakaana ki Yudea, to indu yok Yordan ma ilae mbaaga. Mi iwal biibi ta timokor la kini mini, tana ni ito mbulu kini mi ikamam sua pizin.

2 Mi zin tutu kan pakan tila kini be titoombi. Tana tiwi i ma tiso: “Lak, tutu kiti iso parei? Irao zin tomooto tiyembut ula kizin mi tiziiri kusin bizin ma tila len, som som?” 3 Yesu ipekel kwon ma iso: “Tutu ta Mose ikam piom na, iso parei?” 4 Zin tiso: “Mose iso ta kembei: Sombe tomooto sa ibeede ula yembutjana ka sua ise ro pakaana sa, na ni irao be iyembut ula kini.”^b 5 To Yesu iso pizin ma iso: “Ina nonono. Mi uunu tau Mose ibeede tutu tana piom, ina imbot la sanaana ta imbol la leleyom tau. 6 Mi indeeje mata popoten ta Anutu iur saamba mi toono na, ni iur tomooto mi moori.”^c 7 Uunu tina ta tomooto izem tamaana ma naana, mi ziru moori tiparlup zin ma tiwe tamen.^d 8 Tana ziru irao timbot ndelndelja mini som. Paso, tiparlup zin ma tiwe tamen kek. 9 Mi koron ta Anutu ilup ma iwe tamen na, tomtom sa irao be iyembut na som.”

10 Timiili ma tila ruumu, tona nanjan kini tiwi Yesu mini pa sua tina. 11 Mi ni ipekel kwon ma iso: “Tomooto sa isombe iziiri kusiini ma ila lene, mi iwoolo moori toro, ina ni ipasaana mboti ki kusiini mi imolo ula ka tutu. 12 Mi moori ta kembena. Sombe izem kusiini ma imborene, mi iwoolo kana tomooto toro, ina ni ipasaana ula ka tutu.”^e

Yesu ipombol zin nanjan munmun

(Mt 19:13-15; Lu 18:15-17)

13 Tomtom pakan tikam lutun bizin ma tila ki Yesu beken a iteege zin. Tamen nanjan kini timanga mi tinasaara zin. 14 Yesu ire mbulu tana, to

^w 9:47 Mt 5:29 ^x 9:48 Yesa 66:24 ^y 9:49 You iwe kin pa: 1) kadoono urjana ki mben kaimer, 2) Bubujana Potomjana, mi 3) toombojana. Mi Wok Pris 2:13 iso ta kembei: Tai iwe kin pa sua mbukjana ki Anutu. ^z 9:49 Ezek 43:24 ^a 9:50 Mt 5:13; Lu 14:34+; Ro 12:18 ^b 10:4 Lo 24:1+; Mt 5:31 ^c 10:6 Un 1:27, 5:2 ^d 10:7 Un 2:24; Ep 5:31
^e 10:12 Mt 5:32; 1Kor 7:10+

keteene malmal pizin mi iso: “Ai, kapakaala zin paso? Pa peeze ki Anutu ka tomtom bizin, ina ta kembei. Tana kezem zin ma timar.”^f ¹⁵Nio anso kat piom: Bela kotooro ngar tiom ma kewe kembei ta zin pikin, tona karao be kombot la peeze ki Anutu mi kelela kar kini.”^g ¹⁶Tona ikam zin munmun ma imbarara zin, mi namaana sala zin tataŋa uten mi ipombol zin.

Mbio uunu ta imar ki Yesu
(Mt 19:16-30; Lu 18:18-30)

¹⁷Yesu imanŋa mini pa pai kini. Som, mi tomtom ta, ni ikonjuru i ma ila ma inŋun kumbuunu su kereene uunu, mi iwi i. Iso: “Mos katuunu, nu ambaŋom. Ko anŋkam parei, to anŋkam mbotŋana mata yaryaaraŋana?” ¹⁸Yesu ipekel kwoono ma iso: “Parei ta nu sombe nio ambaŋonŋ? Anutu itutamen ta ni ambaŋana. Tomtom toro sa som. ¹⁹Nu ute tutu kek. ‘Pun tomtom ma imeete pepe, pasaana ula pepe, kem pepe, pombol sua pakaamŋana pepe, watke lem koron pepe, lem nger pa tomom ma nom mi mbeeze pizin.’”^h ²⁰To tomtom tina ipekel kwoono ma iso: “Wai mos katuunu, tutu soŋana? Tutu ta boozomen tana, ta nanŋanŋonŋ mi anŋto anŋto ma imar indeeŋe koozi.” ²¹Yesu ire i na, leleene pini. Tana iso pini ta kembei: “Ambai. Mi koron tamen ta kam zen. La mi kam ngomo pa koron ku ta boozomen. Mi rai ka pat pizin wal ta sorrokŋan i. Naso kam lem koron ŋonoono ta izza u su kar saamba. Mi mar to yo.”ⁱ ²²Tomtom tina ileŋ sua tana na, irao pa leleene som. To izem Yesu, mi ila raama leleene ipata. Pa ni le koron booze kat.

²³Tona Yesu mataana ila lae pa zin nanŋanŋ kini, mi iso pizin ta kembei. Iso: “Zin wal ta mbio uunu na, inako ipata pizin be tiwe Anutu lene mi timbotmbot lela peeze kini leleene.”^j ²⁴Nanŋanŋ kini tileŋ sua tina na, tikam ngar booze pa. Tamen Yesu iso pizin mini ma iso: “O tiziŋan, ina ipata pizin tomtom be tiwe Anutu lene mi timbot lela peeze kini leleene. ²⁵Kere. Mbili sa isombe itoombo be iloondo pa sor sumbuunu, ko irao? Som. Mi zin mbio uunu na, ka ngar tamen tau. Sombe zitun titoombo be tiwe Anutu lene mi timbot lela peeze kini leleene, nako ipata kat pizin. Tirao som kat.” ²⁶Nanŋanŋ kini tileŋ sua ti na, timurur mi tikam ngar biibi pa. Tana tiso pini ma tiso: “Wai, kenako asiŋ ta Anutu ikamke i ma imbot ambai?” ²⁷To Yesu mataana ila kizin mi iso: “Tomtom zitun sombe titoombo, nako tirao som. Mi sombe Anutu iuulu zin, nako tirao. Pa Anutu, ni itat pa kosa sa som.”

²⁸To Petrus imanŋa mi iso pini ma iso: “Lak re. Niam ti, amzem koron tiam ta boozomen ma imborene lup, mi inŋi amtoto u i. Ko parei

^f 10:14 1Kor 14:20; 1Pe 2:2 ^g 10:15 Mt 18:3 ^h 10:19 Kam 20:12+; Lo 5:16+; Ro 13:9

ⁱ 10:21 Mt 6:19+; Iŋgo 2:45, 4:32+; 1Tim 6:17+ ^j 10:23 Mk 4:19; 1Tim 6:9+; Yems 5:1+

piam?” ²⁹Yesu ipekel kwoono ma iso: “Nio aŋso kat piom. Tomtom sa isombe izem ruumu kini, som toŋmatiziŋ kini, som tamaana ma naana, som lutuunu bizin, som mokleene kini pa nio zoŋ mi uruunu ambaiŋana, ³⁰inako ikam kampeŋana ta ilip ma ilip kat pa koron ta izem na. Pa indeeŋe ta tomtom tana imbot toono na, ni ko ikam le ruumu, ma toŋmatiziŋ, ma pikin, ma naana ma tamaana bizin, ma mokleene boozomen. Tamen ko tiseeze mataana pa nio zoŋ tomini. Mi indeeŋe mbeŋ kaimer, nako ikam mbotŋana mata yaryaaraŋana.

³¹“Tamen wal boozomen ta muŋgu tiwe mataana, inako tila tikemer. Mi zin tau kaimer kan, nako tiwe mataana.”^k

Yesu iso mini pa meeteŋana kini ma iwe tel pa
(Mt 20:17-19; Lu 18:31-34)

³²Yesu imuŋgu, mi naŋgaŋ kini tito i ma ziŋan tisombe tisala pa Yerusalem. Tiwwa ma tila, mi naŋgaŋ kini tikamam ngar boozo. Mi zin wal ta ziŋan tila na, timoto kan. Tana Yesu ikam naŋgaŋ kini laamuru mi ru ma timet lae, mi isotaara zin pa mbulu tabe ipet pini i. ³³Iso: “Keleŋ. Iŋgi be tasala pa Yerusalem i. Mi Tomtom Lutuunu, ni ko tikami ma tiuri la zin bibip kizin patoronŋana kan ziŋan zin ngarŋan ki tutu naman. Mi zin ko tiur sua be imeete, mi tiuri la kizin wal ta Yuda somŋan i naman. ³⁴Mi zin ko tipeŋe i, tipureskaali, tibalisi, mi tipuni ma imeete. Tamen ko ka mbeŋ iwe tel pa, tona burup ma imaŋga mini pa naala.”

Wiŋana ki Yems ma Yoan
(Mt 20:20-28)

³⁵Tona Zebedi lutuunu bizin ru, Yems ziru Yoan, tila ki Yesu mi tiso pini ta kembei. Tiso: “Mos katuunu, niam amso amwi u pa koron ta be nu kam piom.” ³⁶Tana Yesu iwi zin ma iso: “Sokorei ta leleyom pa be aŋkam piom?” ³⁷Zin tiso: “Kaimer ma nu sombe swe mburom mi zom biibi ma ipet mat, na niam leleyam be kam niamru ma ambot su zilŋom uunu. Ta imbot la nomom woono mi toro imbot la ŋas.” ³⁸To Yesu iso pizin ta kembei: “Koron ta niomru kiwi yo pa na, ina kuute ka pataŋana som. Kere. Mbooro tabe nio aŋwin la i, niomru karao be kiwin la tomini? Mi pataŋana biibi tabe isalakaala yo i, niomru karao be kakam?”^l ³⁹Ziru tipekel kwoono ma tiso: “E, niamru amrao.” To Yesu iseenge sua mini ma iso pizin ta kembei: “Ŋonoono, mbooro tabe nio aŋwin la i, ina niom kola kiwin la. Mi pataŋana tabe isalakaala yo i, inako isalakaala yom tomini.”^m ⁴⁰Mi muriyom ta niomru koso pa na, ina uraata tio som. Ina koron ki Tamaŋ Anutu. Mi zin wal tabe timbot zilŋon uunu i, ina ni iur zin pataŋa kek. Zin ta ko timbot pa.”

^k 10:31 Mt 20:16; Lu 13:30 ^l 10:38 Mk 14:36; Lu 12:50 ^m 10:39 Ŋgo 12:2; Pil 3:10; 2Tim 2:11+; Tur 1:9

⁴¹Nangan pakan tileŋ Yems ziru Yoan sua kizin, to keten malmal pizin. ⁴²Tabe Yesu iso pizin ma timar, mi iso pizin. Iso: “Mbulu ki toono na, niom kuute kek. Zin bibip kizin karkari ta Yuda somŋan i, tipakurkur zitun mi matan pasom zin wal ta timbot la kopon mbarmaana na. Mi zin wal ta zanŋan i, na tikototo zin tomtom.” ⁴³Tamen niom na, kakam mbulu ta kembena pepe. Tiom tasa isombe leleene be iwe biibi piom, na bela ikoto itunu ma iwe mbesooŋo piom. ⁴⁴Mi tiom tasa isombe leleene be iwe mataana piom, na bela iwe mbesooŋo sorokŋana kat pizin wal ta boozomen. ⁴⁵Pa ina mbulu ki Tomtom Lutuunu tomini. Kere. Ni imar be tomtom timbeeze pini na som. Imar be itunu imbeeze pizin tomtom, mibe izem kat itunu ma imeete pizin tomtom boozomen bekana ingiimi zin ma tiwe lene.”^q

Yesu iurpe Patimai mataana

(Mt 20:29-34; Lu 18:35-43)

⁴⁶⁻⁴⁷Yesu ziŋan nanganŋ kini tila tipet kar Yeriko. To ziŋan iwal biibi tizem kar ma tilae ri, mi tomtom mata piŋana ta imbotmbot, zaana Patimai. Ni Timai lutuunu. Imbutultul su zaala zilŋaana be izuŋzuŋ le koron. Mi ileŋ kembei tomtom ta imar i na Yesu ki Nasaret, to imanga mi kalŋaana biibi ma iso: “O Dabit Lutuunu, muŋai yo lak!”

⁴⁸Wal pakan tiŋasaari mi tiso pini be imaane. Tamen som. Kalŋaana biibi kat ma iso: “O Dabit Lutuunu, muŋai yo lak!” ⁴⁹Tana Yesu imender mi iso: “Koso i ma imar.” Tana tiboobo mata piŋana tina ma tiso: “A, lelem ambai mi manga. Pa iso mar pu be la ma re i.” ⁵⁰Tana tomtom tina ilu i ma imanga. To ipiri mburu kini kor kana itop isu lene, mi ila ki Yesu. ⁵¹Ila to Yesu iwi i. Iso: “Nu lelem be aŋkam parei pu?” Mata piŋana iso: “A mos katuunu, nio leleŋ be aŋre lele.” ⁵²Tabe Yesu iso pini ma iso: “La lak! Uraŋana ku ta iuulu u ma motom ambai.” To loŋa men mi mataana ikam pak mi ire lele. Tana ito Yesu mi ziŋan tila pa zaala.”^r

Yesu isala pa Yerusalem

(Mt 21:1-11; Lu 19:28-40; Yo 12:12-19)

11 ¹Yesu ziŋan nanganŋ kini tipa ma timar kolouŋana pa Yerusalem, mi tila tipet kar Betpage mi Betania, ta timbot sala abal Olib lwoono na. ²To Yesu ingo nanganŋ kini ru be timuungu ma tisala. Iso pizin ta kembei: “Kasala pa kar ta imbot mar kembei. Beso kala kepet, nako kere doŋki popoŋana ta, ta timbiti lae ma imbotmbot. Ina tomtom sa isala ndemeene mi ipa pa zen. Kuputke i, mi kakami ma kusu. ³Mi sombe tomtom sa iwi yom ma iso: ‘Ina kakami sorok paso?’ Tona koso

ⁿ 10:42 Lu 22:25+ ^o 10:43 Mt 23:11; Mk 9:35; Lu 9:48 ^p 10:44 1Pe 5:3

^q 10:45 Yo 13:14; Pil 2:7; 1Tim 2:5+ ^r 10:52 Mt 9:22; Mk 5:34

pini ta kembei: ‘Merere, ni le uraata ri pini. Mako ipimiili i ma loŋa men mi imar mini.’ ”

⁴Beso ziru tila na, tire doŋki popoŋana ta. Ina timbiti lae ruumu ta imbot kolouŋana pa zaala na. Mi tila tiputke i to, ⁵wal pakan ta timendernder kolouŋana na, tiwi zin: “Ai, ina kuputke i sorok paso?” ⁶Ziru tipekel kwon ma tiso sua kembei ta Yesu iso pizin na. Tona wal tana tiyok pizin, mi ziru tikami ma tila. ⁷Tikami ma tisula ki Yesu, to tikinke mburu kizin mat kana, mi tipeele sala doŋki ndemeene. To Yesu isala mi mbuleene ise. ⁸Mi wal boozo tiwar mburu kizin su zaala be tipakuri. Mi pakan na, tila tiyembut komkom, mi tikam ma timar mi tisan su zaala tomini. ⁹To wal pakan timuungu pini mi pakan tikemer, mi kalŋan izalla ma tiso:

“Hosana! Merere ko ipombol tomtom ti mi ikampe i.

Pa ni ikam Merere runguunu ta imar i!”

¹⁰ Tomtom ta buri imar i ko ikam peeze kembei mungu tumbundu Dabit ikamam na. Tana Anutu ko ipomboli mi ikampe i. Hosana! Tapakur Merere zaana ma isala ta kor a!

¹¹Yesu isala Yerusalem ma ilela siiri ki Urum Merere leleene na, mataana rikrik be itiiri koroŋ ta boozomen. Tamen lele igarau be mbeŋ. Tana ziŋan nangaŋ kini laamuru mi ru tizem urum, mi timiili mini ma tila pa kar Betania.

Yesu ipiri sua pa ke fik
(Mt 21:18-19)

¹²Tikeene ma berek su, to Yesu ziŋan nangaŋ kini timanga ma tizem kar Betania, be tisala mini pa Yerusalem. Tiwwa pa zaala lwoono ma tila, mi Yesu peteli. ¹³Tabe mataana ila na, ire la pa ke fik ta imendernder. Mi mazwaana tana mai ki ke fik ŋonoono som. Tamen tataŋa ta ŋonon. Mi ire kembei ke tana iurpe i be ŋonoono, tana ikoŋuru ma ila be ikam ka ŋonoono. Tamen ila na, ire ŋonoono sa som. Ruunu men. ¹⁴Tana Yesu iso pa ke tana ma iso: “Indeeŋe ta tiŋgi mi ila na, nu ko piyooto mini ŋonoono sa be tomtom tikan na som.”^t

Yesu iso sua tana na, nangaŋ kini tileŋ.

Yesu iziiri zin wal pa Urum Merere
(Mt 21:12-17; Lu 19:45-48; Yo 2:13-22)

¹⁵Zin tiwwa ma tila tipet kar Yerusalem, to Yesu iwwa ma ilela siiri ki Urum Merere leleene. Mi imangayaara zin wal ta tikamam ŋgomo pa koroŋ kizin isu urum kwoono na. Ni imanga pa mbalia ta zin wal

^s 11:9 Mbo 118:25+ ^t 11:14 Lu 13:6

tiparpekelkel pat zalla na, ramaki mbalia kizin wal ta mbulen izze mi tikamam ngomo pa man mbalmbal na. ¹⁶Mi zin wal ta tikwarra mburu, mi tiyembutmbut pa siiri ki Urum Merere leleene na, ni ipeteke zin be tikam mini pepe. ¹⁷Tona ikam sua pizin tomtom ma iso: “Niom kuute som? Sua ki Anutu iso pataaŋa kek ta kembei:

Urum tio, ko tipaata ma tiso ina suŋjana muriini kizin karkari ta boozomen.”

“Tamen niom kakam ma iwe kembei: raŋ sumbuunu ta zin kuumbu kan tikewe lela i!”^v

¹⁸Zin bibip kizin patoronŋana kan mi zin ngarŋan ki tutu tileŋ sua tina, to tisombe tiru zaala sa be tipuni ma imeete. Pa sua kini ikam ma iwal biibi lenen imap ma ila kini. Tabe zin bibip timoto i.

¹⁹Rorou na, Yesu ziŋan naŋgaŋ kini tizem kar Yerusalem mi tila.

Urlaŋana na, mburaana biibi

(Mt 21:20-22)

²⁰Tikeene ma berek, to Yesu ziŋan naŋgaŋ kini tiwwa ma tisula pa zaala. Mi tire la pa ke fik ta Yesu ipiri sua pa na, imeete sula ta uunu mi isala. ²¹Tana Petrus mataana ila pa sua ki Yesu, mi iso pini ta kembei: “Mos katuunu re! Ke ta neeri piri sua pa na, ta imeete kek!” ²²⁻²³Tona Yesu iso pizin ma iso: “Kuurla kat ki Anutu. Pa nio aŋso kat piom ta kembei: Tomtom sa isombe iso pa abal ti be izem muriini mi ila itop sula tai, miombe leleene iwe ru som, mi iurla kembei sua kini ko iur ŋonoono, inako Anutu ikam mbulu tana ma ipet pini.”^w ²⁴Tana nio aŋso piom. Niomombe kusuŋ Anutu ma kiwi i pa koron sa, miombe kuurla kembei ni ileŋ suŋjana tiom kek, inako kere ka ŋonoono.”^x

[²⁵“Mi niomombe kusuŋ, mi ngar tiom ilala pa sosor sa ta waeyom bizin tikam piom, na kuurpe leleyom pizin mi kezem ngar pa sanaana kizin. Naso Tomoyom ta imbot saamba a ireege sanaana tiom tomini.”^y ²⁶Miombe kuurpe leleyom pa waeyom bizin som, mi kezem ngar pa sanaana kizin som, inako sanaana tiom tomini, Anutu ireege som.”]

Zin bibip tiwi Yesu pa asiŋ ta iuri pa uraata kini

(Mt 21:23-27; Lu 20:1-8)

²⁷Zin tisala ma tipet Yerusalem mini, mi Yesu iwwa lela siiri ki Urum Merere leleene. Mi zin bibip kizin patoronŋana kan, mi zin ngarŋan ki tutu ziŋan zin peeze kan tire i, to timar kini mi tiwi i. Tiso: ²⁸“Lak, uraata ta kamam na, nu zom pa? Mi asiŋ iuru pa?”^z ²⁹Yesu ipekel kwon ma iso: “Wiŋana tiom ambai. Mi nio aŋsombe aŋwi yom pa tio ta i. Mi

^a 11:17 Yesa 56:7 ^v 11:17 Yer 7:11 ^w 11:22-23 Mt 17:20; Lu 17:6 ^x 11:24 Yo 14:13; Yems 1:5+ ^y 11:25 Mt 5:23, 6:14+; Kol 3:13 ^z 11:28 Yo 2:18; Iŋgo 4:7

sombe kepekel, inako nio tomini anpekel niom tiom, mi anso yom pa asiŋ ta iur yo pa uraata tio ti. ³⁰Lak! Yoan ta munŋu ikamam yok pizin tomtom na, asiŋ iuri pa uraata kini? Ni ta imbotmbot saamba a, som zin tomtom?”

³¹Mi zin tipekel karau som. Tiparwwi zin ma tiso: “Wai, ingi kozo ko toso parei? Pa sombe toso ‘Ni ta imbotmbot saamba a iuri’, to ni ko iso piti ta kembei: ‘Kena parei ta niom kuurla sua kini som?’” ³²⁻³³Mi sombe toso: ‘A Yoan na, tomtom ta tiuri pa uraata kini’, ko ambai?” (Tiso ta kembei paso, tomtom timap tipou Yoan ma tiso ni Anutu kwoono ŋonoono tau.) Tana timoto, mi tipekel sua ki Yesu ta kembei. Tiso: “Ii, niam amute som.” To Yesu kadoono isu mi iso pizin ta kembei: “Kenako nio tomini irao be anso yom pa Ni ta iur yo pa uraata tio i na som.”

Sua tooroŋana pa zin wal uraata kan

(Mt 21:33-46; Lu 20:9-19)

12 ¹Tona Yesu imanŋa mi ikamam sua pizin ila sua tooroŋana. Iso: “Tomtom ta, ni iurpe toono kini be ipaaza ke baen pa. Mi ipo siiri ma iliu, mi iurpe baen piiziŋana muriini, to ipo beeze ta isala kor, beken a zin uraata kan timbot sala mi matan lala pa baen lene. Iurpe koronŋ ta boozomen ma imap, to izem la kizin wal uraata kan naman be matan pa, mi imanŋa ma izem kar kini, mi ila imbot lele pakaana toro.”^a

²“Imbot imbot ma indeeŋe mai ki baen keŋana, to ingo mbesooŋo kini ta ma ila kizin wal uraata kan, beken a ikam baen ŋonon pakan ma imar. ³Tamen mbesooŋo kini tana iwwa ma ila ipet kizin uraata kan na, tikiskisi mi tibalisi. To tiseri ma namaana men mi ila ne. ⁴Tona baen katuunu ingo mbesooŋo kini toro ma ila. Mi ni tomini, zin uraata kan tipeeze paŋaana mi tipamianŋi. ⁵To baen katuunu ingo mbesooŋo kini toro ma iwe tel pa ma ila. Beso ila ipet na, zin tipuni ma imeete. Mi mbesooŋo kini pakan na, wal tana tikam mbulu raraate men pizin. Pakan, tibalis zin. Mi pakan na, tipun zin ma timetmeete.

⁶“Baen katuunu inok inok ma som, to mataana ila pa itunu lutuunu ta leleene pini ilip kat na ma iso: ‘O, nio sombe anso lutunŋ ŋonoono, nako zin len nger pini mi tipou pini.’ Tana ingo i ma ila. ⁷Beso zin uraata kan matan ila mi tire lutuunu imar na, timanŋa mi tiparso pizin ma tiso: ‘Ouo kere! Biibi itunu lutuunu ta imar i. Ni tabe imender pa koronŋ ti pa kaimer mi iwe katuunu. Lak, kozo tupuni ma imeete. Naso koronŋ ti imbot ma iwe lende!’”^b ⁸To timanŋa na tikiskisi, mi tipuni ma imeete, to tipiri i lae siiri ndemeene.”^c

⁹Yesu iso sua tana ma imap, to iwi zin ma iso: “Lak, ina kozoko baen katuunu ikam parei pizin wal tana? Ni kola imar ma ikas zin ma

^a 12:1 Mbo 80:8+; Yesa 5:1+ ^b 12:7 Mt 27:18 ^c 12:8 Ibr 13:12

timetmeete lup, mi ikam baen lene kini tana ma iur la wal pakan naman be timboro kat.”^d ¹⁰To iseenge sua kini mi iso: “Sua ki Anutu ta tibeede se ro na, niom kapaata som? Sua ta isombe:

Pat ta zin wal ruumu pojana kan matan repiili, mi tipiri lae lene na, pat tamen tana, ta ko tipamender ruumu sala ma imbol.

¹¹Mbulu tina ipet pa Anutu itunu mburaana.

Mi amre na, ipa ndel kat.”^e

¹²Zin bibip kizin Yuda tilej sua toorojana tana na, tikilaala kembei Yesu iso sua tana ise kizin. Tanata tisombe tikisi pataaja. Tamen timoto kan pizin iwal biibi, tana tizemi ma imbotmbot, mi tila len.

Wijana pa takes pirijana
(Mt 22:15-22; Lu 20:20-26)

¹³Kaimer, mana tingo tutu kan pakan zijan Erot wal kini pakan ma tila ki Yesu be titoombi pa wijana pakan. Beso ni ipekel ŋoobo, to iwe le uunu. ¹⁴Tana timar tipet kini, mi kwon imbeeze pini ma tiso: “Mos katuunu, niam amute: Nu tomtom ki sua ŋonoono men. Nu moto tomtom sa som, mi zzo katkat sua ŋonoono men pizin tomtom, bekena paute zin kat pa Anutu zaala kini. Tana so kat piam. Nu re be parei? Itiombe tigiibi takes ila ki Kaisa, ko indeeje pa tutu kiti, som som? Ko takam pini, som takam som?” ¹⁵Tamen Yesu, ni iute pakaamjana kizin kek. Tana isu mi iso pizin: “Parei ta koso kotoombo yo? Pat ta tiwirri pa takes na, kakam tasa imar ma aŋre.” ¹⁶Tana tikam pat denari ta ila kini. Mi ni iteege, to iwi zin. Iso: “Lak, asiŋ runguunu mi zaana ti?” To tiso: “Ina Kaisa tau.” ¹⁷Tona Yesu iso: “Tana. Koron ta Kaisa zaana pa, to ila kini. Mi koron ki Anutu na, ila ki Anutu.” Tilej pekeljana kini tana mi timurur pa.^f

Wal meetejan, ko timanga mini, som som?
(Mt 22:23-33; Lu 20:27-40)

¹⁸⁻¹⁹Zin sadusi na, Yuda pakan ta tiurla kembei Anutu ko ipei zin meetejan ma timanga mini som. Tana Yesu imbotmbot, mi zin sadusi pakan timar kini mi tiwi i ta kembei. Tiso: “Mos katuunu, Mose ibeede tutu piti ta kembei. Sombe tomooto sa iwoolo moori ma tipeebe sa som, mi imeete, to tiziini bela iwoolo ka nooro. Beso ipeebe ma ingi to, pikin ikel toono kolmanjana ta imeete na.”^g

²⁰“Lak, lwoono ta na, toŋmatiziŋ lamata mi ru. Timbotmbot ma mungamunga iwoolo. Mi ikam keljana sa som, mi imeete. ²¹To tiziini ta

^d 12:9 Ŋgo 13:46, 28:28 ^e 12:11 Mbo 118:22+ ^f 12:17 Un 1:27; Ro 13:7; 1Pe 2:17

^g 12:18-19 Lo 25:5; Ŋgo 23:8

ito i na, ikam ka nooro. Mi tipeebe sa som, mi ni tomini ra, imeete. Mi tiziini ta iwe tel pa na, ikam mbulu raraate men. ²² Ta kembei kembei ma zin lamata mi ru tana timetmeete lup. Mi len keljana sa som. To kaimer na, moori tomini, ni imeete. ²³ Lak, indeeje mbej kaimer ma zin meetejan tisombe timanga mini pa naala, na moori tina ko iwe tomtom ingoi kusiini? Pa zin lamata mi ru ta tiwooli na.”

²⁴ Yesu ipekel kwon ma iso: “Aiss, niom tina kuute Anutu mburaana mi sua kini risa som kat, tanata kakam ngar ŋoobo. ²⁵ Indeeje mbej kaimer ma zin meetejan tisombe timanga mini pa naala, na tomtom ko tiparwoolo zin mini som. Pa zin ko kembei zin aŋela ta timbot saamba a.^h ²⁶⁻²⁷ Mi manŋaŋana kizin wal meetejan, ina niom katalli pa kat. Parei, mazwaana ta Anutu ipet ki Mose na, kapaata ka mbol som? Indeeje tana, ni iwe kembei you ta ikanan la ke leleene na, mi iso pa Mose ma iso:

Nio ingi Anutu ki Abaraam, Isak, mi Yakop.ⁱ

“Sua tana iswe kembei zin matan yaryaara ma timbotmbot raama Anutu. Mibe timeete ma tila len kat, so ni irao ipaata itunu be Anutu kizin som.”

Tutu mataana kana
(Mt 22:34-40; Lu 10:25-28)

²⁸ Timbotmbot ma tomtom ngarjana ta ki tutu, ni imar mi ilej Yesu zijan zin Sadusi tiparzorzooro pa sua. Mi ire kembei Yesu ipekel kat wiŋana kizin, tana imar kini mi iwi i ta kembei. Iso: “Tutu ingoi ta ilip pa tutu ta boozomen?”

²⁹ Yesu ipekel kwoono ma iso: “Tutu mataana kana ta kembei:

O niom Israel kelej! Merere Anutu kiti, ni itutamen ta Merere ŋonoono.^j

³⁰ Tana ur lelem ila ki Merere Anutu ku, raama ngar ku mi mburom, ma imap ma iwe ni lene men.^k

³¹ “Mi tutu biibi toro ta iwe ru pa, ina ta kembei:

Ur lelem pizin tomtom kembei ta lelem pa itum.

“Tutu lwoono ru tina ta tilip pa tutu ta boozomen.”^l

³² Tomtom ngarjana ki tutu tina ilej, to iso pa Yesu ma iso: “Mos katuunu, nu so kat! Sua ta so na, ina ŋonoono men. Pa Merere Anutu, ni itutamen ta Merere ŋonoono. Merere toro sa som.^m ³³ Tanata tuur lelende ila kini raama ki ngar kiti mi mburanda ma imap ma iwe ni lene men. Mi tuur lelende pizin tomtom kembei ta lelende pa itundu. Pa iti sombe takan la tutu lwoono ru men ti mi tuurpe, inako Anutu ire kembei ilip

^h 12:25 1Kor 15:42+, 15:52 ⁱ 12:26-27 Kam 3:6; ŋgo 7:32; Ibr 11:16 ^j 12:29 Lo 6:4+

^k 12:30 Lo 10:12+ ^l 12:31 Wkp 19:18; Ga 5:14; 1Tim 1:5; Yems 2:8 ^m 12:32 Lo 4:35,39

pa patoronjana boozomen ta tenenne sala artaal mi patoronjana pakan tomini.”ⁿ

³⁴Yesu ire kembei tomtom tana ipekel kat raama ngar, tana iso pini ma iso: “Nu mbot molo pa peeze ki Anutu som.” Indeeje tana mi ila na, zin tiwi Yesu pa kosa sa mini som. Pa timoto.

Mesia ko iyooto pa Dabit be parei?

(Mt 22:41-46; Lu 20:41-44)

³⁵Indeeje Yesu ikamam sua pizin tomtom lela Urum Merere lene na, iwi zin ma iso: “Lak! Parei ta zin ngarjan ki tutu tisombe Mesia ko iyooto pa king Dabit poponjana kini? Pa mungu Bubunana Potomjana ipei ngar ki Dabit, mi ni iso ta kembei:

³⁶Merere Anutu iso pa Biibi tio ma iso:

Mar mbulem su nomoŋ wono

ma irao anjkoto kom koi bizin ma mburan imap kat,

mi kumbum ise nguren.^o

³⁷“Tana Dabit itunu ipaata Mesia be Biibi kini. Lak, poponjana sa ki Dabit ko irao be ilip pini be parei?”

Iwal biibi ta tileŋleŋ Yesu sua kini na, menmeen zin mi lenen ambai kat.

Mbulu pakurjana kizin ngarjan ki tutu

(Mt 23:1-36; Lu 20:45-47)

³⁸Yesu ikamam sua pizin mi iso ta kembei: “Motoyom ingal ituyom pizin ngarjan ki tutu. Pa zin lenen be tirru pa mburu kizin ta mololo i. Mi tiwwa pa kar keteene, beken a tomtom tire zin mi tiso sua pakurjana pizin. ³⁹Mi sombe tilela lupjana muriini, som tila pa kini kanjana, to loŋa mi tiserseere ma tila be mbulen se mbalia mataana kana ta zin wal zanjan murin na. ⁴⁰Mi zin koroŋ to tiwadatkewe zin noroŋa beken a tikem len ruumu kizin ramaki mburu kizin. Mi tipakamkaam ma tikamam sunjana mololo. Tana kadoono tabe tikam pa mbulu kizin tana, ko sorok som kat.”

Patoronjana ki nora tuunu ta

(Lu 21:1-4)

⁴¹Yesu mbuleene isu koloujana pa kolekta muriini, mi mataana ilala pizin iwal biibi ta tilala ma tiurur pat izulla. Mi zin mbio uunu booŋo ta timar ma tipiri pat bibip. ⁴²Yesu imbotmbot, mi nora ta, ra, imar ma ipiri pat siŋsiŋjan ru ta munmun i. ⁴³Yesu ire mbulu ki nora tana, to iboobo nanjan kini ma timar, mi iso pizin ta kembei: “Ai, kere nora tuunu tiŋa.

ⁿ 12:33 1Sam 15:22; Yesa 45:21 ^o 12:36 Mbo 110:1; ŋgo 2:34+; 1Kor 15:25; Ibr 1:13

Nio anso kat piom. Pat ta ni ipiri sula kolekta na, ilip pa tomtom ta boozomen tingi. ⁴⁴Paso, zin pakan na, koron kizin booza ta imbotmbot mi tipiri rimen. Mi ni na som. Pat kini ri tabe imboro i, ta imap lup ma isula. Tana itunu ko imbot sorok.”^p

Yesu iso pa Urum Merere reegejana

(Mt 24:1-2; Lu 21:5-6)

13 ¹Yesu izem urum lene, mi isombe iyooto ma ila. Som, mi nanjan kini ta, ni imanja mi iso pini. Iso: “Mos katuunu re! Pat ta tipo urum ti pa na, ngeezenan mi bibip men! Mi zin ruumu tingi ta kembena. Tilip kat!” ²Yesu ipekel kaljaana mi iso: “Ruumu bibip ta rre zin ti, kaimer ko tireege ma tipiri kinajina ma kan mburu tisul lup. Kan koronjan risa ko imbot se muriini mini na som.”^q

Patajana booza kola iwedet mana urum reegejana

(Mt 10:17-22, 24:3-14; Lu 21:7-19)

³Tizem Urum Merere mi tipa ma tila ma tisala abal Olib, to Yesu mbuleene su mi ire la pa urum. Imbotmbot mi Petrus, Yems, Yoan, mi Andreas tila kini mi tiwi i. Tiso: ⁴“Biibi, so kat piam. Sua ta koozi so pa urum tinga reegejana na, ko iur nonono niji? Miombe ka nol igarau, inako ka kilalan parejana?”

⁵Yesu ipekel kwan ma iso: “Motoyom ingalngal ituyom. Kokena tomtom sa ipandelndel yom.” ⁶Pa wal booza kola timanga mi tipaata sorok nio zon mi tiso: ‘Ulaaja tabe imar i, na nio tau.’ Mi wal boozomen ko tikan la sua kizin.^s

⁷“Miombe kelej malmal ka orooro, som malmal bibip urun na, keteyom guruk mi komoto pepe. Pa mbulu ta kembena kola iwedet. Mi toono swoono, nako zen. ⁸Pa toono ta boozomen ka tomtom bizin kola tiparkam malmal pizin. King ta ko ikam malmal pa king ki lele toro. Yenyeenge kola titok toono pakan, mi lele pakan ko tikan peteele. Patajana boozomen tana, ina iwe mataana pa patajana bibip tabe tipet pa kaimer i.”^t

⁹“Mi motoyom ingal ituyom! Pa koyom koi bizin ko tikam yom, mi tipamender yom su zin wal peeze kan matan, mi tibalis yom lela lupjana kizin murin. Mi ko tikam yom ma tipamender yom la zin king mi zin bibip keren uunu, mi tingal motoyom. Paso, niom kototo yo tau. Mi mbulu tina ko iwe zaala piom be keswe urun mi kopombol sua tio ila matan.” ¹⁰Mi bela tisoyaara uruunu ambajana ma ila irao karkari ta boozomen mungu, to mbulu tana ipet.

^p 12:44 2Kor 8:1-12 ^q 13:2 Lu 19:44 ^r 13:5 Ep 4:14; 2Tes 2:1+; 1Yo 4:1

^s 13:6 Ng 5:36+; 1Yo 2:18 ^t 13:8 Tur 6:3+ ^u 13:9 Ng 18:12; Tur 2:10

¹¹ “Mi sombe tikam yom mi tipamender yom la zin bibip matan be titiiri sua tiom, na kopoyom rru mi motoyom rru sua tabe koso i pepe. Pa indeeje ta so tipamender yom, na Anutu itunu ko iso yom pa sua tabe koso i. Tana ngar ta so ise pa leleyom pa mazwaana tana, na koso men tau. Pa ina niom ituyom leleyom mi koso som. Ina imar pa Bubugana Potomjana tau.”

¹² “Indeeje mazwaana tana, tomtom ko tiur torjmatizij kizin ila wal pakan naman be tipun zin ma timetmeete. Mi zin kolman ko tikam ta kembena pa lutun bizin. Mi zin nangar ko tizooro taman ma nan bizin, mi tiur zin la wal pakan naman be tipun zin ma timetmeete. ¹³ Mi tomtom ta boozomen ko tiwe koyom koi. Paso, niom kewe lej mi kototo yo tau. Tamen tomtom ta sombe imender mboljana mi ikiskis urlajana kini ma irao swoono, na Anutu ko ikamke i ma imbot ambai.”

Patajana biibi kat kola ikam zin Yerusalem kan

(Mt 24:15-28; Lu 21:20-24)

¹⁴ “Kaimer ko kere wal pakan tipamender koron sananjana kat ilela lele potomjana ta ka ngalsekijana. To lele tana isaana kat ma imborene. (Tomtom sa isombe ipaata sua ti na, itunu irao be ikam ngar pa ka uunu.) Mbulu tana iso ipet, na zin wal ta timbotmbot lele pakaana ki Yudea na, loja mi tiko ma tisala pa lele abalabalanja.^x ¹⁵ Tana tomtom sa isombe imbotmbot sala ruumu kini ka pooto, na ilela ruumu be ikam koron kini sa pepe. Kanjan pataja ma ila.^y ¹⁶ Mi sombe tomtom sa imbotmbot mokleene kini mi ikamam uraata, na iloondo ma ila ruumu mini be ikam kawaala kini toro sa pepe. Ni tomini, kanjan pataja ma ila. ¹⁷ Zin moori ta sombe koponjan mi zin ta pemyamjan pa mazwaana tana, na ra, tembel zin kek. Pa patajana biibi kola ikam zin. ¹⁸ Tana kuson pa Anutu. Kokena mbulu tana ipet pa gorgor ki yan. ¹⁹ Pa patajana tana, ko sananjana kat ma ilip pa patajana boozomen ta tipet pa toono kek na. Indeeje mata popoten ta Anutu iur saamba mi toono, mi imar imar ma indeeje koozi na, patajana sa ta kembei ipet pasa zen. Mi kaimer ko patajana toro sa ta kembei ipet mini som.^z ²⁰ Patajana tana, sombe Merere ipemet loja som, inako tomtom sa irao imbot na som. Tamen ni kopoono pizin wal kini ta iroogo zin pa itunu kek, tana kola ipemet ma imap karau men.

²¹ “Mbulu tana iso ipet, mi sombe tomtom sa iso piom ma iso: ‘Kere. Mesia ta itunu tis!, som ‘Ni imbotmbot tinga!’, na kuurla sua kini pepe.^a ²² Pa wal pakamkaamjan kola tipet, mi tipakaam ma tiso ta kembei: ‘Nio Mesia’, som ‘Nio Anutu kwoono.’ Mi ko titooro mos boozo mi tikam

^v 13:11 Lu 12:11+ ^w 13:13 Yo 15:18,20; Tur 2:7,11, 3:5 ^x 13:14 Dan 9:27, 11:31, 12:11

^y 13:15 Lu 17:31 ^z 13:19 Dan 12:1; Yoel 2:2 ^a 13:21 2Tes 2:1+

uraata bibip pakan bekena tipakaam zin tomtom pa. Mi Anutu wal kini ta ni iroogo zin pa itunu na tomini, wal tana ko titoombo be tipakaam zin.^b ²³Kelenj, koronj boozomen tana ipet zen, mi inji anjotaara yom pataanja. Tana motoyom ingal ituyom.

Miilijana ki Tomtom Lutuunu

(Mt 24:29-31; Lu 21:25-28)

²⁴“Patajana boozomen tana tisombe tipet lup, inako molo som to zonj mataana imeete. Mi puulu tomini, ko iyaara mini som. ²⁵Mi pitik ko tizem murin mi titoptop, mi Anutu ko itok zin koronj mburanjan ta timbot sala manaanajana na. ²⁶Tona tomtom kola tire sala pa Tomtom Lutuunu imbot lela miiri tieene mi imiili ma isu raama mburaana biibi kat mi azunja kini.^c ²⁷Mi ni ko ingo zin ajela kini ma tila tipa pa lele ta boozomen irao toono mi saamba ka sengaaña bekena tiyogeege zin wal kini ta ni iroogo zin pa itunu na, ma tila tilup zin la kini.^d

Sua toorojana pa ke fik

(Mt 24:32-35; Lu 21:29-33)

²⁸“Kere la pa ke fik mi kakam ngar pa. Pa ke tana isombe irunj, tona kikilaala kembei inji be zonj biibi isu. ²⁹Ina zaala raraate men tau pa mbulu ta anzzo yom pa i. Niomombe kere mbulu ta boozomen tana tiwedet, to kikilaala ta kembei: Miilijana ki Tomtom Lutuunu, ta ka nol igarau kek. ³⁰Nio anso kat piom: Wal ta koozi kan i ko timap pa toono zen, mi tire uraata boozomen tingi ipet. ³¹Saamba mi toono kola timbiriizi. Tamen sua tio irao be ila lene na som. Ko imbotmbot men ta kembei.^e

Miilijana ki Tomtom Lutuunu na, tomtom sa iute ka nol som

(Mt 24:36-44)

³²“Nol tabe koronj ta boozomen tana tipet pa i, na tomtom sa iute som. Mi ajela ta timbot saamba na tiute som, mi Lutuunu tomini, iute som. Tamaana itutamen ta iute.^f ³³Tana motoyom ingalngal ituyom. Pa nol tana, niom kuute som. ³⁴Ko ipet kembei ta tomtom ta, ni ikam ngar be ila pa lele molo. Tana izem ruumu kini ila mbesooño kini naman be timboro, mi iur len uraata ikot zin tataña. Mi isotaara tomtom ta imborro kataama na, be iur mataana pini mibe izza i. Tona izem zin mi ila.^g ³⁵Nio anso piom. Motoyom ingal ituyom. Pa nol tabe ruumu katuunu imiili ma imar pa i, ina niom kuute som. Ko indeenje rorou, som mbej lukutuunu,

^b 13:22 Lo 13:1+; 2Tes 2:9+; Tur 13:13 ^c 13:26 Dan 7:13; 1Tes 4:16+; Tur 1:7

^d 13:27 Mt 13:41 ^e 13:31 Mbo 102:25+, 119:89; Mt 5:18 ^f 13:32 Ijo 1:7; 1Tes 5:1+

^g 13:34 Mt 25:14; Lu 12:35+

som lele imarmar, som mbenberņana.^h ³⁶Kokena ni imar karau men na, ire yom kekeenemeete. ³⁷Sua ti anso piom, mi ila pizin wal ta boozomen tomini. Kapamatmaata ma kombotmbot, mi kuur motoyom pa biibi tiom!”

Zin bibip timbuuru pa Yesu
(Mt 26:1-5; Lu 22:1-2; Yo 11:45-53)

14 ¹Pasoba mi lupņana biibi kizin Yuda tabe tikan narabu ta ka yis somņana i na, ka mber ru men imbotmbot be ipet. Tana zin bibip kizin patoronņana kan ziņan zin ņgarņan ki tutu tilup zin, mi tirru zaala keņana sa pa Yesu be tikami, mi tipuni ma imeete. ²Mi tiparso pizin ma tiso: “Kozo takami pa mazwaana ki lupņana biibi taingi pepe. Kokena zin iwal biibi timaņa mi tikam malmal.”

Moori ta ilij ņgere sala Yesu uteene
(Mt 26:6-13; Yo 12:1-8)

³Yesu ziņan naņņan kini timbotmbot ki Simon ta kar Betania. Simon tana, ni mungu mbetmbeete sananņana ikami. Zin mbulen isu ma tikanan kini ma timbotmbot, mi moori ta, ni ikam ņgere kuziiniņana ta ka kadoono biibi kat na, mi imar. To ibokat ņgere putuunu kwoono mi ilij sala Yesu uteene. ⁴Mi wal pakan ta ziņan Yesu timbotmbot na, tire na irao lenen som. Tana tiyo kwon pini ma tiso: “Wai, moori ti ipasaana sorok ņgere paso? ⁵ņgere ti na, ka pat ta sorok som. Be tongomoono, so takam pat biibi kembei 300 denari mi kwoono be tu'uulu zin sorrokņan pa!” Tana tiyaambi. ⁶Tamen Yesu iso: “Kumbuulu kwoyom pini paso? Mbulu ta ni ikam pio na, ambaiaņana kat. ⁷Pa wal sorrokņan ko niomņan kombotmbot ma alok. Tana mazwaana boozomen ta niomombe leleyom be ku'uulu zin, inako karao be ku'uulu zin. Mi nio, nako itiaņan tombotmbot ma molo som. ⁸Koroņ ta ni irao be ikam pio, ta ikam kek. ņgere ti, ni ilij salakaala yo bekena iurpe yo pa koņ mete.ⁱ ⁹Tana nio anso kat piom: Kaimerombe tomtom tisoyaara uruņ ma irao karkari, inako tiwidit mbol pa mbulu ta ni ikam pio i, bekena tomtom matan kiskis.”

Yudas iyok be iswe Yesu
(Mt 26:14-16; Lu 22:3-6)

¹⁰To naņņan ki Yesu laamuru mi ru tana, tomtom kizin ta, zaana Yudas Iskariot, ni imaņa ma ila kizin bibip kizin patoronņana kan, mi iso pizin ta kembei: Ni ko iurpe zaala pizin be tikam Yesu. ¹¹Mi tileņ sua kini na, lenen ambai kat mi timbuk sua pini be tikam le pat. Ziņan timbuk sua makiņ, tona Yudas ila ma irru zaala be iur Yesu ila naman.

^h 13:35 Lu 12:38 ⁱ 14:8 Yo 19:40

Yesu ziŋan nanŋaŋ kini tikan Pasoba ka kini
(Mt 26:17-25; Lu 22:7-14,21-23; Yo 13:21-30)

¹²Timbot ma aigule mataana kana ki lupŋana biibi tana ipet. Mi ina aigule tabe tipun zin sipsip pa Pasoba i. Tana nanŋaŋ kini tiwi Yesu ma tiso: “Lak, kini ki Pasoba na, ko amurpe pu isu swoi?”^j ¹³Tana Yesu iŋgo nanŋaŋ kini ru be tila. Mi isotaara zin ta kembei. Iso: “Kelela pa kar biibi, to kere tomtom ta ikwaara yok kuuruŋana, mi ikoŋuru yom ma ima. Koto i, ¹⁴mi kere, beso isala ruumu tasa, to koto i ma kelela. Mi koso pa ruumu katuunu ta kembei. Koso: ‘Mos katuunu tiam ikam wiŋana pu ta kembei: Ruumu leleene iŋgoi tabe ni ziŋan nanŋaŋ kini timbot pa mi tikan kini ki Pasoba i?’

¹⁵Ni ko iso yom pa ruumu leleene biibi ta imbot kor mi tiurpe ma ambai pataaŋa kek. Tana kuurpe kanda kini isu tana.”

¹⁶Yesu iso sua ma imap, tona nanŋaŋ kini ru tana tizemi, mi tiwwa ma tila kar biibi. Mi tire koron ta boozomen ila itoptop kat la Yesu kalŋaana. Tana tiparaŋraŋ kini mi koron ta boozomen pa suŋŋana ki Pasoba.

¹⁷Timbotmbot ma zon isula, to Yesu ziŋan nanŋaŋ kini pakan timar, mi mbulen su pa kini kanŋana. ¹⁸Tikanan ma timbotmbot, mi Yesu isu ma iso: “Nio aŋso kat piom. Tomtom tiom tasa kola iur yo la koŋ koi bizin naman. Tomtom tau itiaŋ takanan kini i.”^k ¹⁹Nanŋaŋ kini tileŋ sua tana na, lenen ipata. To zin tataŋa timaŋga mi tiwi i. Tiso: “Sua ku tana, nu so pio?” ²⁰Yesu iso pizin: “Niom laamuru mi ru tana, tiom tasa ko ikam. Tomtom tana, niamru amtizik narabu isula mbooro tamen. ²¹Tana Tomtom Lutuunu kola tipuni ma imeete. Ka sua imbot pataaŋa kek. Mi tomtom tabe iswe i la ka koi bizin i na, tembeli kek! Naana ra, ipeebe som, so ndabok!”

Temen pemetŋana
(Mt 26:26-30; Lu 22:14-20; 1Kor 11:23-25)

²²Tikanan ma timbotmbot, mi Yesu ikam narabu ma isuŋ pa, to itette ma irao zin nanŋaŋ mi iso: “Kakam ma kakan. Ingi nio mozon ŋonoono.” ²³Tona ikam mbooro baen ma isuŋ pa, mi ikam la ki nanŋaŋ kini, mi zin ta boozomen tiwin. Tiwin makaŋ, to ni iso: ²⁴“Ina nio siŋiŋ, ta ko ireere ma isu, mi iwe zaala be Anutu ziŋan zin tomtom boozomen tiparlup zin ma tiwe tamen.”^l ²⁵Nio aŋso kat piom. Nio ko aŋwin baen mini som, mi ila indeeŋe ta aŋwin baen popoŋana lela Anutu kar kini.”

²⁶Tikan makaŋ, to timbo mboe suŋŋana kana ta, mi tizem ruumu mi tisala pa abal Olib.^m

^j 14:12 Kam 12:6+ ^k 14:18 Mbo 41:9 ^l 14:24 Kam 24:8; 1Kor 10:16; Ibr 8:8+, 9:16+

^m 14:26 Mbo 118

Yesu iso Petrus ko iwatkaali
(Mt 26:31-35; Lu 22:31-34; Yo 13:36-38)

²⁷Mi Yesu iso pizin nanġanġ kini ma iso: “Mberġ ta koozi, niom ta boozomen ko kotop pa urlaġana tiom mi kipizil ndemeyom pio. Pa sua ki Anutu imbot pataġa kek ta kembei:

Nio ko aġpun mboronġan kizin sipsip,

mi zin sipsip ko tiko papirik lup.” ²⁸Tamen kaimer sombe aġmanga mini pa naala, nako aġmuuġu ma aġla mi aġsa yom su Galilea.”

²⁹To Petrus imanga mi iso: “Inako zin pakan. Mi nio, nako aġrao aġtop mi aġpizil ndemeġ pu na som.” ³⁰Mi Yesu iso pini ma iso: “Petrus, nio aġso kat pu. Mberġ ta koozi, nu kola watkaala zoġ pa tel, mana man itaġ ma iwe ru pa.” ³¹Mi Petrus kwoono imbol ma imbol kat ma iso: “Asiġ iso u? So tipunu, nako tipun yo tomini ma ituru mi temetmeete raraate. Mi irao aġwatkaala zom na som.

Som kat!” Mi zin ta boozomen tiso sua raraate men.

Yesu isuġ su lele Getsemane
(Mt 26:36-46; Lu 22:39-46)

³²Yesu ziġan nanġanġ kini tipa ma tila tipet lele ta, zaana Getsemane. Tona iso pizin ta kembei: “Mbuleyom su tiġi ma kombotmbot, mi nio aġla aġsuġ.” ³³To ikam Petrus, Yems, mi Yoan ma ziġan tila. Yesu leleene ipata biibi kat, mi ikam nġar boozo pa pataġana tabe ise kini i. ³⁴Tana iso pizin ma iso: “Aiss, leleġ ipata kat. Leleġ pataġana taġi be ipun yo ma aġmeete i. Tana kapamatmaata mi itiaġan tombotmbot.”^o ³⁵Pa Yesu iute: Nol kini ta ipet kek. Tana izem zin ma timbot, mi ipa ma ilae ri. To iġgun kumbuunu isu toono mi isuġ Anutu, be sombe itunu leleene, nako ipiġis pataġana tana ma imbot molo pini. ³⁶To iso: “O Abba^p Tamaġ, nu tat pa kosa sa som. Tatke mbooro taġi pio. Iġi nio aġso. Mi nu itum tau.”

³⁷Isuġ maġi, mi imiili ma imar, to ire nanġanġ kini tel tina tikenne. Tana iso pa Petrus. Iso: “Simon, nu kenne? Irao be pamaata risa som?

³⁸Niom kapamaata mi kusuġ. Kokena toomboġana ikam yom to kotop. Pa lelende na, mata leleġ. Mi kulindi na mburaana irao som.”^q

³⁹To izem zin mi ila ma ipoto suġġana kini mini. ⁴⁰Isuġ ma imap, tona imiili ma ila mini. Mi ire zin nanġanġ kini tikenne men. Paso, matan ikam sanaana zin ma tisaana kat. Tana len sua sa be tiso pini na som.

⁴¹Yesu ila isuġ mini ma iwe tel pa. Mi imiili ma imar mini, to iso pizin: “Wai, malaiġana ikam yom ma kekenne men? Irao tana! Pa nol tabe

ⁿ 14:27 Sek 13:7 ^o 14:34 Yo 12:27 ^p 14:36 Yesu izzo Aramea kalġan. Zin Aramea tiwatwaata taman bizin be ‘Abba’. ^q 14:38 Ro 7:23; Ga 5:17

tiur Tomtom Lutuunu ila zin wal sananjan naman, ta ingi ipet kek.
⁴²Kamanga mi tala. Pa kere: Tomtom ta ila iswe yo la konj koi bizin, ta iwwa ma imar i!”

Tikam Yesu

(Mt 26:47-56; Lu 22:47-53; Yo 18:3-12)

⁴³Yesu izzo sua mi molo som na, Yudas ziŋan zin iwal biibi ta timar raama buza mi zaaba. (Yudas tana, ni tomtom ta ta imbot la Yesu nanjan kini laamuru mi ru na.) Wal tana, zin bibip kizin patoronjana kan ziŋan zin ngarjan ki tutu mi zin peeze kan kizin Yuda tingo zin ma timar.

⁴⁴Mi Yudas isotaara zin kek ta kembei. Iso: “Kere. Tomtom ta sombe aŋbeŋbeŋe pini, ina ni tau. Kikiskisi mi komboro kati ma kala.” ⁴⁵Tana zin iwal biibi tina timar tipet to, Yudas ikonjuru Yesu ma ila, mi iso pini: “Mos katuunu!” Mi imbeŋbeŋe pini. ⁴⁶To tikiskis Yesu, mi tikami be tila. ⁴⁷Mi nanjan kini ta, tau imender koloujana, ni imanga na ipas buza kini mi ipiri na, isap tomtom ta taljaana ma itop su. Tomtom tana, ni mbesooŋo ki biibi kizin patoronjana kan. ⁴⁸To Yesu iso pa iwal biibi tana. Iso: “Wai, nio ti tomtom malmalŋonj sa, ta kamar ramaki buza ma zaaba be kakam yo i? ⁴⁹Aigule boozomen ta itijan tombotmbot la Urum Merere kwoono mi aŋkamam sua piom na. Parei ta kakam yo pataana som? Ambai. Tongo. Ingi be sua ki Anutu ta tibeede munju kek na, iur ŋonoono.” ⁵⁰Ni iso sua tana, to nanjan kini ta boozomen tizemi, mi tiko ma tila len.”

⁵¹Nanjan kaibiim ta, ni ikawaali pa kawaala kokoujana mi ito Yesu. Mi zin malmal kan tiso tikami tomini. ⁵²Tabe ni imanga to, kawaala kini ipurus ma itop su lene, mi iko ma ila lene.

Tipamender Yesu isu zin peeze kan keren uunu

(Mt 26:57-68; Lu 22:54-55,63-71; Yo 18:13-14,19-24)

⁵³To tikam Yesu ma tila ruumu ki biibi kizin patoronjana kan. Mi zin patoronjana kan, ziŋan zin ngarjan ki tutu mi zin peeze kan tilup zin su ruumu tana ma timbotmbot. ⁵⁴Mi Petrus, ni itokelkeeli ma ila. Ila ma igarau ruumu tana kwoono, to mbuleene su you uunu, mi ziŋan zin menderjan timbotmbot ma you ilolo zin.

⁵⁵Mi zin bibip kizin patoronjana kan ziŋan zin peeze kan ta boozomen titoombo be tiru tomtom pakan be tipombol sua pakaamjana pa Yesu. Naso tirao be tipuni ma imeete. Tamen tiru ma som. ⁵⁶Ŋonoono, wal booze timanga mi tipombol sua pakaamjana pini. Tamen sua kizin ila iwe mataana tamen som. Tomtom ta iso sua ta, mi toro iso toro.^s ⁵⁷Tona zin tomtom pakan timanga mi tipombol sua pakaamjana ti pini. Tiso:

^r 14:50 Mbo 88:8; Mk 14:27 ^s 14:56 Kam 20:16; Lo 19:15

58 “A! Niam amlerj ni itunu iso ta kembei: Urum Merere biibi ta tomtom tipo pa naman ti na, ni ko ireege ma isu lene. Mi ko ipamender toro pa aigule tel men. Mi urum toro tana ko imanga pa tomtom mburan som.”^t

59 Tamen zin tomuni, tiso sua raraate som. Tiso ndelndelja.

60 To biibi kizin patoronjana kan imanga ma imender su zin iwal keren uunu, mi iwi Yesu. Iso: “Sua ta tigibgiibi pu na, nu rao be pekel som?”

61 Mi Yesu ipekel sua sa som. Imaane men. Tabe biibi tana iwi i mini ma iso: “Kozo so kat sua ma amlerj. Nu Mesia? Nu Anutu ta tapakurkuri na Lutuunu?”^u 62 Yesu ipekel kwoono ma iso: “E! Nio tau. Mi kaimer to niom ko kere:

Tomtom Lutuunu, ni mbuleene ise muriini ta imbot la Anutu mbolkenkejnana namaana woono. Mi ko kere ni imbot se miiri tieene saamba kana mi imiili ma imar.”^v

63 Biibi kizin patoronjana kan ilerj sua tina na, ipas keteene. To iraza mburu kini mi iso: “Oo imap. Turu tomtom toro be iso ka sua paso? Buri na tapas kat sua ila itunu kwoono i. 64 Niom ituyom kombot mi kelerji. Ni ipasaana sua pa Anutu kek. Lak, niom koso parei?” Tona zin ta boozomen timanga mi tiso: “Tomtom ta kembena imbot pepe. Ina uunu kini tina tabe imeete pa i!”^w 65 Mi tomtom kizin pakan timanga mi tipures la mataana, mi tizuk mataana, mi tilul naman mi tipuni. Mi tipejeu i ma tiso: “Nu Anutu kwoono, na? Kena so lak! Asij ta ipunu na?” To zin menderjan kadoono tikami mi tipuni.

Petrus iwatkaala Yesu zaana

(Mt 26:69-75; Lu 22:56-62; Yo 18:15-18,25-27)

66-67 Petrus imendernder koloujana pa you ta ikanan la ruumu ka siiri leleene na, ma ilolo i. Mi mbesoojo moori ta ki biibi kizin patoronjana kan, ni imar ma ire i, to igeedi ma iso: “Ai, nu tomuni, niomru Yesu ki Nasaret kawwa.” 68 Tamen Petrus iwatkaali ma iso: “Wa, sua ta so na, nio ajute som. Ajkankaana pa.” To izem muriini mi ruk ma iperajana. 69 Mbesoojo moori tina ire Petrus mini, to iso pizin wal ta zijan timendernder na, ma iso: “Kere to tis. Ni tomuni zijan tau.” 70 Tamen Petrus iwatkaali mini.

Timbot ri, to zin wal ta zijan timendernder tina na, timanga mi tiso pa Petrus mini ta kembei: “Ijonoono kat. Nu tina niomjan tau. Pa nu sa tomtom ki Galilea na.” 71 Tabe Petrus imanga mi kwoono imbol ma iso: “Ijonoono kat. Sombe ajpakaam na, Anutu itunu ipasaana yo lak! Tomtom ta niom kozzo pini na, nio ajute i risa som kat!” 72 Indeeje tana

^t 14:58 Yo 2:19; Ijo 6:14 ^u 14:61 Yesa 53:7 ^v 14:62 Mbo 110:1; Dan 7:13; Tur 1:7

^w 14:64 Wkp 24:16; Yo 19:7

na, man itanj mini ma iwe ru pa. To Petrus mataana ila pa sua ki Yesu ta iso pini ma iso: ‘Mberj ta koozi, nu kola watkaala zong pa tel, mana man itanj ma iwe ru pa.’ Tabe Petrus leleene isaana kat, mi itanj ma iyeryer.

Yesu imender su Pilatus kereene uunu

(Mt 27:1-2,11-14; Lu 23:1-5; Yo 18:28-38)

15 ¹Timbot ma mberjberjgana, to zin bibip kizin patorongana kan zigan zin peeze kan mi zin ngarjan ki tutu timap ma tilup zin, mi timbuk sua pa Yesu. To tipo i mi tikami ma tila tiuri la Pilatus namaana. ²Pilatus ikami, to iwi i ma iso: “Parei, nu tana, ta king kizin Yuda?” Yesu ipekel kwoono ma iso: “Sua ta so na.” ³To zin bibip kizin patorongana kan timanga mi tingal sua boozo pini. ⁴Tana Pilatus iwi i mini ma iso: “Parei, nu rao be pekel kwon som? Pa re. Zin timbel sua ngalgana pu.” ⁵Tamen Yesu ipekel sua sa som. Imaane men. Tabe Pilatus ikam ngar boozo.*

Pilatus iyok be tipun Yesu ma imeete

(Mt 27:15-26; Lu 23:13-25; Yo 18:39–19:16)

⁶Lupjana biibi tana iso iwedet, na gabana ki Rom ikamam mbulu ta kembei: Zin wal ta timbotmbot lela ruumu sanaana leleene na, sombe iwal biibi tiwi i pa kizin tasa be iyooto, to izemi ma ila sorok. ⁷Indeeye mazwaana tina na, tomtom ta, zaana Barabas, ni zigan wal pakan timbotmbot lela ruumu sanaana tomini. Uunu kizin ta kembei: Mungu timanga ma tikam malmal be tiziiri zin Rom. Mi malmal tana na, tipun tomtom pakan ma timetmeete.

⁸Tana iwal biibi tila tilup la ki Pilatus, mi timanga na tiwi i be ito mbulu tana mi ikam tomtom kizin sa ma iyooto. ⁹⁻¹⁰Mi Pilatus, ni iute: Zin bibip kizin Yuda matan mburmbur pa Yesu, tanata tikami ma tiuri la namaana. Tana iwi zin ma iso: “Parei, niom leleyom be anjem king tiom Yuda ma ima?”

¹¹Tamen zin bibip kizin patorongana kan tikuru zin iwal lenen be tiyok la kaljaana pepe mi tiwi i be izem Barabas ma iyooto.⁷ ¹²Taba Pilatus iwi zin mini ma iso: “Mi parei pa tomtom ta niom kosombe ni king tiom Yuda. Ko anjam parei pini?” ¹³To tiboobo mini mi kaljan izalla ma tiso: “Puni sala ke pambaarajana!” ¹⁴Taba Pilatus iwi zin mini ma iso: “Mi ni ikam so mbulu i?” Mi zin kezen keke la pini ma tiso: “Puni sala ke pambaarajana!” ¹⁵Pilatus leleene be ikam iwal biibi tina ma lenen ambai, tana izem Barabas ma iyooto. Mi Yesu na, iuri la zin malmal kan naman ma tibalisi, to tikami ma tila be tipuni sala ke pambaarajana.

Malmal kan tipengeu Yesu

(Mt 27:27-31; Yo 19:2-3)

¹⁶Zin malmal kan tikam Yesu ma tilela gabana ki Rom ruumu kini leleene. Mi sua ikam zin malmal kan ta boozomen ma timar tilup

* 15:5 Yesa 53:7 y 15:11 Nggo 3:13+

zin, ¹⁷⁻¹⁸to tikam mburu totonjana kembei ta kizin king i, mi tigiibi se regeene. Mi tikam wooro matanmatanjanana, mi tital ma tiur sala uteene. To tiyotyooto pini ma tiso: “Aa, king kizin Yuda. Niam ampakuru!” ¹⁹Mi tiballis uteene pa teene, mi tipureskaali, mi tingungun kumbun mbukuunu pini. ²⁰Tipeŋe i makin, to tikinke mburu totonjana ma isu, mi tiur itunu mburu kini ila niini. To tikami ma tila be tipuni sala ke pambaaranjana.

Tipun Yesu sala ke pambaaranjana
(Mt 27:32-44; Lu 23:26-43; Yo 19:17-27)

²¹⁻²²Tiwwa ma tila pa zaala, mi tindeenge tomtom ta, zaana Simon. Ni imbot pa su mi imar be ilela pa kar biibi. Ni tomtom ki kar Kairini. Mi lutuunu bizin ru, zan Alisande ma Rupus. Timar tindeengi, to tiyasasaari be ikwaara ke pambaaranjana ki Yesu. Mi ziŋan tila ma tipet lele ta zaana Golgata (Golgata ka uunu ta kembei: Lele ki tomtom uteene putuunu).^z ²³Mi tisombe tikam Yesu ka yok baen ta titooro ramaki koron ta tisombe mir^a na. Tamen ni leleene be iwin som. ²⁴⁻²⁵To tipuni sala ke pambaaranjana. Indeenge tana, zon mataana ikam kembei lamata mi paŋ. Mi tisombe tiparrai mburu kini ma irao zin. Tana tikam mbulu ta be tire so tomtom tabe ikam so mburu i.^b ²⁶Mi uunu kini tabe imeete pa i, ina tibeede ta kembei: ‘Inggi king kizin Yuda.’ ²⁷⁻²⁸Mi tipun tomtom kuumbuŋan ru tomen sala ke pambaaranjana. Ta imbot la ki Yesu namaana woono, mi toro imbot la ki ŋas.^c ²⁹Zin iwal ta tilala timarmar mi tire sala pini na, uten suksuk sala pini, mi tigibgiibi sua repiilijana pini ma tiso: “Ywee, kam kosa kusa tau. Nu sombe reege Urum Merere ma isu lene, to pamender mini pa aigule tel tau!”^d ³⁰Mburom mi kamke itum ma su pa ke pambaaranjana ku tina.” ³¹Mi zin bibip kizin patoronjana kan tomini, ziŋan zin ngarjan ki tutu tipeŋe i ma tiparzzo pizin ta kembei: “Ni imbot be iuluulu zin wal pakan. Mi parei ta irao be iuulu itunu som! ³²Ni isombe ni Mesia mi king kizin Israel. Ambai. Kozo tombot mi tere i ten. Sombe izem ke pambaaranjana ma isu, nako tuurla kini!” Mi zin tomtom ru ta tipun zin raami na, zin tomini kwon pasomi.

Yesu imeete
(Mt 27:45-56; Lu 23:44-49; Yo 19:28-30)

³³Zon mataana ikam kembei aigule palakuutu, to zon mataana imeete mi zugut biibi izuk toono tana ma imap, mi imbot ma irao zon mataana ikam tel. ³⁴To Yesu iboobo ma kalŋaana biibi. Iso: “Eloi, Eloi lama sabaktani!” Sua ti ka uunu ta kembei:

^z 15:21-22 Ro 16:13 ^a 15:23 Mir na, koron ta ipunmeete yoyoujana.

^b 15:24-25 Mbo 22:18 ^c 15:27-28 Yesa 53:12 ^d 15:29 Mbo 22:7, 109:25; Yo 2:19

Anutu tio, Anutu tio! Parei ta nu pizil ndemem pio?^e

³⁵Tomtom pakan ta timbotmbot kolouŋana na, tileŋ sua kini tana, to tiso: “Aa kelej, ni iboobo Anutu kwoono Ilia.” ³⁶To tomtom ta iloondo ma ila ikam koron ta izenzen yok na, ma itizik sula baen pakpakŋana, mi ipo la ke molo. To isara sala ki Yesu be isemsem. Mi iso ta kembei: “Tombot mi tere i ten. Ko Ilia imar mi ikinke i ma isu pa ke pambaaraŋana kini ma ingi.”^f ³⁷Tona Yesu iyak ma kalŋaana biibi, mi iyataaŋa ma ka bolboolo ipol.

³⁸Indeeŋe tana, kawaala biibi ta imbot lela Urum Merere leleene na, rek sala ki kor mi tun sula meleebe. ³⁹Beso biibi kizin malmal kan ta imendernder su Yesu kereene uunu na, ire Yesu iyataaŋa mi ka bolboolo ipol na, iso ta kembei: “Ŋonoono kat, tomtom ti ni Anutu lutuunu. Pa meeteŋana kini ipa ndel kat!”^g ⁴⁰Mi moori pakan ta timbotmbot molo ri mi matan lala pa Yesu. Zan ta kembei: Maria ta ki kar Magdala, Maria toro ta Yems ta nanŋaŋ i ma Yose nan na, mi Salume. ⁴¹Indeeŋe ta Yesu imbotmbot Galilea mi ikamam uraata kini na, zin moori ti ta titoto i mi timbesmbeeze pini. Mi zin moori ta ziŋan Yesu tiwwa ma timar Yerusalem na, boozomen timbotmbot mi tire meeteŋana kini.

Titwi Yesu

(Mt 27:57-61; Lu 23:50-56; Yo 19:38-42)

⁴²⁻⁴³Aigule tana ina aigule tabe zin Yuda tiparaŋraŋ koron kizin pa aigule potomŋana tabe keten su pa i. Tana timbotmbot ma rou, to Yosep ki Arimatea imar ipet. Tomtom tina, ni imbot la lupuuŋu biibi kizin peeze kan kizin Yuda, mi tomtom boozomen matan se kini. Mi ni tomini iurur mataana pa peeze ki Anutu be ipet mat.

Yosep tana imoto som mi ila ki Pilatus, mi iwi i be ikam Yesu ma ila itwi i. ⁴⁴Pilatus ileŋ kembei Yesu imeete karau men, to ikam nŋar boozo. Tana iboobo biibi kizin malmal kan ma imar, mi iwi i pa Yesu: Ni imeete ma kup kat? ⁴⁵Biibi kizin malmal kan iso: “E.” Tabe Pilatus iyok pa Yosep be ikam Yesu ma ila. ⁴⁶Tana Yosep ingiimi kawaala kokouŋana ta, mi ikam ma ila. Mi ikam Yesu putuunu ma isu, to izuki pa kawaala tana, mi iuri lela naala lene ta tiurpe lela raŋ sumbuunu pataaŋa kek. To ipatimbil pat biibi ta ma ila isekaala naala kwoono. ⁴⁷Mi Maria ki Magdala ziru Maria ta Yose naana i timbotmbot mi tire la pa lele ta tiur Yesu ilela pa na.

Yesu burup ma imanga pa naala

(Mt 28:1-8; Lu 24:1-12; Yo 20:1-10)

16 ¹Aigule potomŋana kizin tabe keten su pa i imap ma ila, tona Maria ki Magdala, ziru Maria ta Yems naana i, mi Salume,

^e 15:34 Mbo 22:1 ^f 15:36 Mbo 69:21 ^g 15:39 Mk 1:24

zin tel tila tingiimi koronj kuzinjan, mi tikam ma tila be tisuulu se Yesu putuunu. ²Tana aigule mataana kana, mbenbenjana ta zonj pok ma ise na, zin timanja mi tiwwa ma tila pa naala. ³⁻⁴Tiwwa ma tila pa zaala lwoono, mi tiparzzo pizin ta kembei. Tiso: “Ingi kozo ko asiŋ ipatimbil pat biibi pa naala kwoono piti?” Tipet naala mi matan ila na, tire pat biibi tana imbot mini muriini som, mi kembei ta tipatimbil ma ilae kek. ⁵To tilela pa naala leleene. Tilela na, tire nanganj ta iru pa mburu kokoujana mi mbuleene isu ma imbotmbot la ki naman woono. Tire i na, timorsop mi motojana biibi ikam zin. ⁶To ni iso: “Komoto pepe. Nio aŋute: niom kurru Yesu ki kar Nasaret ta tipuni ma imeete sala ke pambaarajana na. Mi ni imbotmbot ti mini som. Ni burup ma imanja ma ila kek. Kere. Muriini ta tiuri pa ta ti. ⁷Tana kala mi koso uruunu pizin nanganj kini. Mi motoyom ingal Petrus tomini bekana kosotaari. Koso pizin ta kembei: Yesu, ni imuŋgu ma ila Galilea be izza yom. Kala kepet kini, to ko kere i kembei ta muŋgu ni iso piom na.”

⁸To tiyooto ma tipet mat, mi tiko ma tila len. Pa motojana biibi ikam zin ma ngar kizin imap. Mi tiso koronj tana pa tomtom sa som.

Yesu ipet ki Maria ki Magdala

(Mt 28:9-10; Yo 20:11-18)

⁹Aigule mataana kana, mbenbenjana na, Yesu burup ma imanja pa naala mi ila ipet ki Maria ta ki kar Magdala muŋgu. Maria tina, ta muŋgu Yesu iziiri bubujana sanangan lamata mi ru pini na.^h ¹⁰Maria ire i, to ila ma isotaara zin wal ta tigabgaaba Yesu na. Pa lenen izanzaana mi titanjanj pini ma timbotmbot. ¹¹Ni iso pizin ta kembei: Ni ire kat Yesu pa mataana kek. Ni mataana iyaryaara ma imbotmbot. Tamen tileŋ na, tiurla sua kini som.

Yesu ipet ki nanganj kini ru

(Lu 24:13-35)

¹²Kaimer to nanganj ru ki Yesu tizem kar biibi, mi tiwwa pa zaala ma tila na, ni ipet kizin isu zaala lwoono. Tamen ruŋguunu ipa ndel. ¹³Ziru tire i, to tiloondo ma timiili mini be tisotaara zin nanganj pakan. Tamen ziru sua kizin tana, tiurla som tomini.

Yesu ipet ki nanganj kini laamuru mi ta

(Mt 28:16-20; Lu 24:13-53; Yo 20:19-23; Ingo 1:6-8)

¹⁴Kaimer, mana nanganj kini laamuru mi ta, zin tilup zin mi tikanan kini ma timbotmbot. Mi Yesu ipet kizin mi iyaamba zin. Paso ni

^h 16:9 Lu 8:2

imaŋga mini pa naala, mi wal pakan tire i mi tila tiso uruunu pizin kek. Tamen ŋgar kizin imbol mi tiurla som.ⁱ

¹⁵ Mi ni iso pizin ma iso: “Kala ma kapa pa toono ta boozomen mi kosoyaara uruŋ ambaiŋana pizin tomtom ta munŋaana men ta timbotmbot su toono na.^j ¹⁶ Wal ta so tiurla mi tikam yok, inako Anutu ikamke zin ma timbot matan yaryaara. Mi zin wal ta so tiurla som, inako Anutu iur kadoono pizin ma tila len.^k ¹⁷ Mi wal ta so tiurla, nako aŋkam len mburan be titooro mos pakan ma ipet. Mos ta kembei: Zin ko tiziiri bubuŋana sananŋan pizin tomtom pa nio zoŋ, mi tiso sua ila karkari kalŋan ta zitun tiute som.^l ¹⁸ Mi so titeege mooto sananŋana sa, som tiwin koronŋ sananŋana sa, nako irao be ipasaana zin na som. Mi sombe tiur naman sala zin metenjan, nako nin ambai ma timaŋga mini.”^m

Yesu isala pa saamba
(*Lu 24:50-53; Iŋgo 1:9-11*)

¹⁹ Merere Yesu iso sua pizin nangaŋ kini makiŋ, to Anutu ikami ma isala pa kar saamba, mi mbuleene su Anutu namaana woono.ⁿ
²⁰ Mi nangaŋ kini tila mi tisoyaara uruunu ambaiŋana ma irao lele ta boozomen. Mi Merere igabgaaba zin pa uraata kizin, mi ipombolmbol zin ma titortooro mos pakan ma iwedet, beken a tomtom tikilaala kembei sua kizin sua ŋonoono.^o

ⁱ **16:14** 1Kor 15:5+ ^j **16:15** Mt 28:19; Iŋgo 1:8; Kol 1:23 ^k **16:16** Yo 3:18,36, 12:48; Iŋgo 2:38; Ro 10:9 ^l **16:17** Iŋgo 5:16, 8:7, 10:46; 1Kor 12:10,28 ^m **16:18** Lu 10:19; Iŋgo 3:7+, 28:3+; 1Kor 12:9; Yems 5:14+ ⁿ **16:19** Mbo 110:1; Iŋgo 2:33+, 7:55; Ro 8:34; Ibr 1:3 ^o **16:20** Iŋgo 4:29, 14:3; Ibr 2:3